



宛丘先生文集卷第十九

蘇軾

詩曰念茲一蕭蕭張耒無文潛

古詩

華月

華月流春宵散我高林影披衣步其下愛此掃地靜
吾心方浩然萬境一澄瑩徒倚玉繩低寂寥沉遠聽

月夜懷陳永源

衆喧息遙夜爽氣清煩襟慙慙低簷月入幌來相尋
平生學虛靜每為多病侵卧想陳夫子幅巾修竹林

白月山

白月照世界山河受清光豈獨耳目清瑩洗肝腸涼
中夜掃寬虛仰得天一方湛碧磨青銅精金點星芒
我心方無愚偃息在高堂慎勿憂世故彼昏謂我狂

初晴對月

平生愛明月豈以解煩燠及茲霜夜對任使體生粟
冰天凝紺冷氣殺避不觸煌煌七金徽但掛寒斗曲
蕭蕭簪柶葉悄：鼾眠屋三更清到骨亂以杯中綠

雨中晨起

端居多滯念秋至一蕭散况茲炎涼異微冷風雨旦
空山陰靄積槭々木聲變絺衣感輕單素褐催補綻

泥行苦長鬚買酒不可緩洗醖自迎門一杯聊自勸
苦雨

春淺天尚寒雨多聲入夜幽人不出門坐惜梅花謝
庭竹未抽萌醱釀將覆架芳時喜病愈淺酌供情話
趨世劇曳牛投閑如噉蔗因逢老農談悔不初學稼

不雨

齊安一春雨不足稻畦土堅不入穀城中赤日風吹
沙老鴉啣火燒竹屋百尺長繩抽井底井中泥滓多
于水潭邊龍祠懸紙錢誰令霹靂驚龍眠

厭雨四首

夜來雨聲倒百川老翁起坐不敢眠直疑漲潦捲屋
去又恐涌水興林前旦視山川一泥濘流沛千頃新
秧田蝦蟇相呼動百千不念兩股充庖煎
霖霽望晴病望汗里巷呻吟夜達旦風清日出未敢
喜天公高居魚龍悍夜聲翻盆晝綆縻百川失性皆
上馳乾坤震蕩動植悲誰居無事為此嬉
朝雨次田夜崩屋下民何罪罹此毒天公行雨須命
龍那知人欲食龍肉玄雲暮天不可決日烏戢翼愁
暘谷區區昏墊未足憂當念波濤翻地軸
柯山老人家四壁深居閉門不下席日補丹田氣三

咽自言滋味勝玉食無田無屋一空囊不管門前水
三尺有錢沽酒便不憂會見天清還白日

飛雲

時雨久不施飛雲作朝陰
中原麥賴此三日霖
朝陽忽晴霽披露南山岑
雖無濟物迹膏澤在民心

喜晴

朝看東南雲物好便有清風收濁潦
我知天意將悔禍約束蛟龍便粳稻
山川轉眼異明晦冠屨宜人亦
輕燥微涼入堂酒味好一杯徑醉愁如掃
清幽枕簟東窓下曉睡老雞呼不覺

東坡先生集卷十九
雨霽

滯雨忽云霽園林有清暉時鳥亦和鳴好風清且微
遠愧深山僧趺坐掩禪扉豈知芳菲歇詎傷寒暑違
一念與道寂九旬淡無為攝心探斯理吾今其庶幾

賀雨拜表

羣雲雨事畢振旅不復陣掃天無一塵千里還綠潤
晨朝大明賀沙路萬蹄印朝光泛翠瓦佳氣去人近
頗聞避斧宸侑膳徹龍筭願君愛物心從此至堯舜
初伏炎坐湯釜長安行人汗沾土誰傾江海作清

涼玄雲駕風橫白雨補陀真人甘露手能使渴乏厭
膏乳且欲當風展簟眠敢辭避雨陋移林苦清貧學士
卧陶齋壁上墨君澹無語翰林但解嘲首藉彭宣不
得窺歌舞聯詩得句笑出省策馬涉泥歸閉户林頭
餘榼定何嫌窓外石榴堪薦俎

春雨

南山多夕陰夜雨復達旦瀟瀟晚未已零落雲物亂
陰沉晝生寒閉戶守餘炭官庭草木合山吏午已散
悠：對朝景念此春已半昨日櫻桃花紛：落如霰
天時不可駐今古一嗟歎唯應痛行樂此計乃最善

子安詩集卷之五
簪紳束我體局促因游宦何當有茅屋放意行所願

喜雨四首

陰陽不暫駐今夕已秋風晨興締綵冷歲月驚衰翁
朝煙爨薪濕小甲蔬畦空且復一杯酒吾生不終窮

又

手種五色蕉意待聽秋雨南風扇早日破葉萎不舉
霧霓未終夕綠潤遽如許秀色入書幃已覺青鸞舞

又

牆東有高樹夏葉圓綠綺西風纏一夕蕭颯遽如此
寒蟬號其顛蟋蟀曉未已羣動催流光榮華難久恃

商羊未又

隙地秋日曉寂無隣里音惟有草根虫風前咽復吟
悲歌者誰子徂年驚苦心青燈夜齋靜微温生薄衾

春雨

春雨不肯晴春雲與地平柯山數椽屋晝夜傾簷聲
陰沉人意惡但願醉不醒園花知在否渠溜飄紅英
今年窮到骨憔悴客江城花時不得出風雨掩柴荆
自我學道來萬事一羽輕惟有惜春意未忘兒女情
齟齬可奈何努力飽飯行往日雖莫挽來日豈無程
忽記祖燕公徃句與帝賡今歲隨宜過寒食明年倍

調作清明

喜雨止

敬亭與吾期今日雨當止靜掃峰頭雲秀色粲如喜
我慚無以酢園逕欣細履夜來四簷聲添我北池水
破圩久不補積潦鬻其址南人麥禾薄稻壠魚尾
豐穰未敢望疲餓何由起飽食但高眠自慚稱刺史

仲春苦雨

仲春乃積雨和景良未舒園林阻幽步塊坐守溫爐
中庭下水鳥隙地長寒蕪流紅委花外渟碧漲池餘
商羊未悔禍椒醕屢傳巫豈惟政無補多慚誠未孚

農事滯南畝土功隳敗圩悠哉欲何奈濁酒且為娛

苦雨

連雲冒山椒大江浸其麓通為一沮洳哀此塗泥屋
我居寄佛利山趾厭局促餘飄汗巾几積潤繁篁竹
門前耕野靜時得舒倦目美哉百畝稻整々照人綠
深蕪下白鳥霽嶺明秀木感此歌豐年卒歲期飽腹

京師阻雨

深泥漫々汚后土長安閉門三日雨頑雲不動風伯
愁飛電更相雷師怒陽烏力弱不自恃天漏已寬無
石補麥蛾禾耳不足憂當念為魚救無禹

大雨三日泥三尺駿馬高車不得我有蹇驢安敢
騎閉戶高眠朝至夕誰家高堂半夜秋軟綺輕紈換
締綌朱門樂事無時無爾自賤貧空歎息不使風日

苦雨

伏盡暑初變西風作秋聲瀟瀟晚雨急達旦聲不停
陰暝雞失警微涼肅晨興湍流冒階闥積潦被門庭
仰視天蓋低玄雲送驚霆黑蛟樂以逞商羊方未寧
后土何茫茫流潦浩縱橫憂念在民食敢私蘭菊榮
漠漠暮未已琅琅夜還增嗟余但高枕飽食愧疲氓

早稻

早稻如倒戈十穗八九折晚稻不及秀日炙根土烈
踏車激湖水車衆湖欲竭得泉如沸湯旱土濕未徹
老農祝天公扣額眼垂血游雲不作雨風至輒散滅
昊天未悔禍牲玉亦徒設誰能縛妖魃救起龍撥刺

朝雨

幽居感節物僧舍值朝涼空簷落寒雨滴響秋堂
低飛林間翮濕雨不能翔危葉別故枝幽花泣晚芳
悠悠清夜眠但織催朝光日月愴已徂吾行獨迷方
採幽圃蘭歲晚自馨香君子建明德勿為兒女傷

小雨

稍：陰靄集肅：春寒生窓燈耿初照小雨細無聲
還來就溫爐依然有故情燕坐悄無語軍城遞遠更
大雨十日不止五月十八日雨始霽
昊穹忽悔禍淫雨霽今夕峯嶺舒紫翠雲天麗金碧
深畦鳴遠注涼葉墜餘滴漏屋百不憂宵眠始安席

春旱二首

大野拱連山晴空轉規日青春散塊莽積水中蕩瀟
欣：見群動吐：爭湧出滯留無好懷風景獨蕭瑟
離羣與誰語塊坐守蓬華卮酒樂餘春沉憂畏生疾

風雲閑益高早色起諸嶺施生澤未渥曉氣挾餘冷
飛沙礫桃李碧草思耿：麥根不立地稻隴卧陳梗
蛟龍且偷安雷電勢欲逞憫農非我事剛復念閭井

春雨

浪：簷前雨晝夜來不極青苔生空廊蝸涎被四壁
出門無所往端若守籠翮嗚呼林中鳩聒：方自得
林花掃餘姿高柳沐佳色悠：三月殘春物行欲息
感之欲何奈取醉遣朝夕穿泥得新笋紫籜裹新白
從容婦子語草：田野食明日還復然慵頑已成癖

春旱初雨

春泥不霑犁四月若三伏哀哉麥無秀父子墮頭哭
誰驚眈眈龍霹靂震萬屋從空倒江海焦槁快一浴
終然霽威怒飄颻斷還續晚陰涼觀闕夜響起松竹
後時悲夏獲入土喜秋穀聊為目前慰未敢信果腹
豐凶繫羣望歲之走牲玉我無憂民責理此杞與菊
喜晴有感呈晁郎
山城淫雨霽窓戶含餘清老人午睡足杖策遶荒庭
長夏吾廬秀清陰交衆榮莖之榛莽中萱草揚其英
植杖視天壤悠然感浮生淹泊且無歎人事亦難恒
一旦舍此去觸物不無情何為久戚之遇酒但知傾

昨者

昨者飛雹幾破屋頗說四郊妨麥熟十日霖雨一日
晴泥潦漫不容足凄風寒涼肅肌骨五月更衣初
秋服草木傷摧亦可憐造物憑陵竟何欲陰陽錯行
成疫癘君子慎疾防寒燠荒涼窮巷幸無他更勸高
眠飽饘粥

已未四月二十二日大雨雹

夜來飛雹驚我眠大者磊落幾如拳起聽但覺屋欲
動簷瓦破墜無復全是日晚晴星斗出鏡靜萬里無
雲煙乾坤變化竟誰使造作訛怪須臾間鄰家老翁

髮已白云昔見此今十年木衰火濫氣浮洩激此陰
沴成冰堅儒生臆度知是否天事誰得窮其源屋頭
雛鷓失其母足傷翅折亦可憐

宛丘先生文集卷第十九

宛丘先生文集卷第二十

古詩

園花盛開拒病不能觀作詩諭之

張耒文潛

東風着花：披靡花風吹人：欲醉老翁逢花如啜
醅強自挹酌終無味鬪紅鬪綠千萬態長笑化工夸
幻事若知空色無異觀世上何曾有桃李
空山岑寂何所有晚菊芙蓉相對幽伴我悠々過閑
日憐渠灼々媚窮秋清香但欲持供佛醉舞何妨揀
蒲頭此生萍梗難前料知復明年相見不

衰荷

衰荷有餘姿秋水清更急木落天宇寬庭虛山氣入
寒魚漸受釣野果晴可拾幽居無餘營但與山水習
濟時無良謀戎陣畏戈鋌端坐閱歲時多慙微祿及
到陳午憇小舍有任王二君子惠牡丹二槃
皆絕品也是日風雨大寒明日作此詩呈希
古

初來淮陽春已晚下里數楹聊寢飯此和花時人若
狂我初稅駕遊獨懶任王二君真解事走致西槃紅
紫爛天姝國艷照蔀屋持供佛像安敢慢江湖逢春

豈無花格頑色賤皆可揀誓觀中州燕趙態一洗千
里窮荒眼風波歷盡還故郡此願誰能輒先滿那知
中夕忽凜烈卧擁牛衣候天旦名園泥淖安可入坐
惜殘芳風雨散東鄰夫子亦嗜酒卧聽午雞方起盥
晴明猶及一寓目我老尚能揮大醜

架蒲桃

蒲桃盤屈如修蛇春來蟄起紆橫斜延之外架鱗甲
動舊枿繁生光華盤堆馬乳未敢望慙慙漑灌意
匪他要聽暑雨鳴大葉窻間致榻圍青紗年來幽淡
亦有趣自植花草占萌芽奔波玄德老不遂正爾種

菜豈不佳猶嫌尚遣兒輩覺方食失匕徒驚嗟

對蓮花戲寄晁應之

平池碧玉秋波瑩綠雲擁扇青瑤柄水宮仙女鬪新粧輕步凌波踏明鏡彩橋下有雙鴛戲曾託鴛鴦問深意半開微歛竟無言裛露微洒秋淚晁郎神仙好風格須遣仙娥伴仙客人間萬事苦參差吹盡清香不來摘

菴東愔雨霽月出梅花影見窓上

山頭冷月出射我幽窓明屋東有新梅寒影交踈櫺暗香不可挹彷彿認繁英耿々終無言依々如有情

况疑姑射真仙馭下我庭姮娥曉西去滿樹晨霜清
和立之消梅

木奴度淮輒為枳后皇嗇之理應爾青梅千里江南春何時相逢車馬塵我衰病齒不能酸微香觸鼻舌生泉想見曹瞞老狡獪指林駐馬三軍前

別梅

宦游到處即為家况我遷謫來天涯二年假館主人屋忽々屢見新梅花那知今冬當去此十月已見凌霜葩繞之百匝未易別對我脉々如含嗟懸知客去門復掩亭沼人散啼昏鴉朝風吹香散寂歷夜月照

影低橫斜嗟我明年復何處東州旱野連桑麻相思
時有夢魂到極目南望空烟霞

觀梅

北風號夜天雨霜屋東梅花晨洗粧老人旦起萬境
寂一笑向我吹微香風月精神珠玉骨冰雪簪珥瓊
瑤瑤天姝星艷下人世靈真高秀無比方老人年
被香惱學道無力時清狂吟詩覓句苦無味剪枝挿
頭羞鬢蒼眼窺手采心愛惜儻可取餌充朝糧不如
痛飲卧其下醉魂為蝶棲其房

摘梅花數枝挿小瓶中輒數日不謝吟玩不

足形為小詩

踈梅挿書瓶潔白滋媚好微香悠々起鼻觀默自了
秀色定可憐仙姿寧解老禪翁心土木對此成魔惱

踈梅二首

踈梅落寒晴高柳暗春夕低星上蒼寒遠鐘韻澄寂
頗私朝市間更得闌闌僻且復罷經過深泥濺馬臆

又

我貧受寒欺帖々為不出積雨遠市聲幽居近芳物
時禽過我柳清喙動鳴瑟客去門復扃低參映林沒

黃菊

黃菊出荒歲揚：顏色好芙蓉不能霜敗裂不自保
君子與小人於此見其操最憐所種蔬根葉依畦老
朝晡充盤殮滋味不枯槁雞鳴鄰里靜老子起常早
呼童速沽酒無使尊中燥

次韻錢大尹公庭種菊

人才困齊量能尺不能咫誰如錢京兆獄訟間書史
平明吏擁堂過午掃階阨風威變姦傲應若度淮枳
清秋動高興庭菊粲可喜栽培豈無情收拾自棄委
客來撷芳秀歲晏聊尔耳新涼一尊酒九日意在彼
平生經濟手張趙一泥滓何必食落英離憂對蘭芷

森庭菊

窮秋慘無姿所向盡枯槁可憐中庭菊灼灼顏色好
豈無風霜苦所守良自保清商振驅除尔獨傲百草
煌煌中央色嚴麗謝浮姣山家有薄酒為爾數傾倒
嘗聞仙人術採餌度難老呼童掃藥齋遲爾寒英擣

堂下幽草

烈日三萬里所至壞金石嗟哉庭中草獨不改佳色
日中雖暫萎晨露發鮮碧深根通九地變化有微測
應知一氣移不得常炎赫

庭草

再：朝雨霽欣：禽哺雛鮮：中庭草佳色日已粵
童子惡其蕃謁我盡掃除我為再三擷愛之不能鋤
人生羣動中一氣本不除殊奈何欲自私害彼安其軀
况我麋鹿性得此亦可娛延蔓藩籬間常若田野居
亭：濯露曉偃：披風餘所嗜乃若此我生合樵渙

詠雙槐

花開雖可冷采色不堅久譬如玩冰雪隨執隨去手
可悅則生愛：減惱隨後美好稱不祥此語端易究
中庭兩蒼槐老枿獨晚秀殘春餘十日萬葉舒欲覆
森：翠羽蓋植立分左右波濤起風夜幄幕護炎晝

其榮無可悅衰變亦何咎欲攀無足玩欲擷無足嗅
洎兮初無情淡也故可守病來捐衆嗜味道有真觀
寄言兩蒼翁請與汝此壽

大榆

高榆百餘年其大數十圍修柯遏雲日老枿干虹霓
嗟爾擁腫材大匠已見遺何人失剪伐養此頑鈍姿
夏葉穴虫蟻繁柯蔽涼颼寒憑烈風怒號勃陵冬曦
鸞鳳不汝巢所藏鷓鴣與鴟吾寧愛彈射念爾固所宜
蟠據近墻屋斧斤諒難施去惡不慎微既成安可追
東海有大松土人相傳三代時物其狀偉異

詩不能盡因讀徐仲車五花楊柳之作此
詩翁愛花復愛柳長歌高吟半酣酒自言二物天下
奇愛之不厭形于詩嗟余所愛翁未見我昔東游窮
海甸波濤四絕大島中上有太古不死之長松千人
裊延坐其下仰見翠葉迷蒼穹巨鰲竭力負不起鵬
栖僅借卑枝容人言海若此其圍鱗甲百萬屯蛟龍
又云海怪久不死守護山麓蟠其躬天空海闊風力
壯敲戛簸蕩聲無窮軒轅張樂奏未已筍簾百萬喧
笙鏞鬼神不欲入屢見護以萬疊青山峯愛之未免

因寂寞坐見雨露霑蒿蓬東臯吟翁天下才海嶽秀
氣天所鍾豈惟文章繼騷雅宵中事業窺夔龍如何
坎軻滯茅屋失所應與茲松同詩翁勿愛花與柳軟
弱但解爭纖穠春英零落化為土夏葉狼藉工巢虫
嬌兒姹婦最入眼丈夫所志當英雄何當與君涉海
去結茅松下甘長終

太寧庭柏

微風起清籟烈日交翠陰蔭茲金仙居樓殿鬱沉
永日燕雀下有時鐘梵音誰能悟斯道來此契無心

自吾居山中默：無與歡朝晡誰相對賴此青琅玕
堂東一畝池遠分西澗泉蕭：一萬竿結根護池壩
婉：翠鳳皇舞風照清瀾微颺自天來新珮鳴已喧
王子骨已朽後來豈有賢諒非辭與盲敢慢回與騫
灌溉養春茁芟除去其繁終日淡相對俗車無至門
石竹
真竹乃不華爾獨艷暮春何妨兒女眼謂爾勝霜筠
世無王子猷豈有知竹人策：好自持時來稱此君
乞竹贈邠老
與君共一山修竹居其間義當給兩家潘子不得慳

帶甲十萬夫不戰終日閑辱使支敝廬令我愧滿顏
伐竹謂洗竹義取洗益繁乞我萬之一令君風月寬
裒多以益寡天道自古然詩成復自笑詩禮資儒姦
次韻曾存之直舍竹軒
曾郎風塵表不似宰官身吏舍數竿竹鑿池水潏：
此君不可疎亦復未易親虛心淡相授頗似南郭鄰
我知王子猷正是君輩人

理東堂隙地自種菜

幽居無一事隙地自畦蔬秋雨忽甲坼青：千萬餘
江鄉盛菘芥烹咀亦甘腴豈惟供晨飧庶用備冬菹

子列女文集
桓左將軍英氣橫八區邂逅無事時弛弓曾把鉏
矧我放逐者終年守敝廬諒非勤四體寓意以為娛

種薤

薤實菜中芝仙聖之所嗜輕身強骨幹却老衛正氣
持錢易百本僻處多隙地雨餘土壤滋栽植勤我隸
今年時澤足灌溉免遠致朝畦已芬粵零落發鮮翠
嗟余百不偶六尺知自愧雖甘老支床同願壽閱世
晨殮入匕筯美不儷羹哉神農豈欺予魏姥有前誌

魏夫人有服薤
方致神仙云

帶甲十食菜

大雨困淋漓小雨傷霖霖哀哉南畝人日夜塗手足
入倉無一粒敢望祈報福餘功歸老圃畦菜青滿目
長官却野饋性命救雞鶩何須問清白薦德芻一束
歸來輟食歎每悔釜炊玉青衫尚如此何況膏粱腹
願君少自寬謀遠須食肉

一春蔬

苜甲如刀圭萋蒿未生葉紫芥綠如指蕪菁苗過茁
先生家四壁食案稍羅列芬芳芼薑芥每徹有餘啜
公侯烹五鼎一飽厨流血神官計功罪沉魄受陰殺
先生飽捫腹萬事置瑣屑載覽損益篇終古守斯說

此方謂菜條為
柔疑非此柔字

秋蔬

荒園秋露瘦韭葉色茂春菘甘勝蕨人言佛見為下
筋俗言八月韭佛開口 芼炙烹羹更滋滑其餘瑣屑皆可口蕪
菁脆肥薑菹辣藏鞭雞笋纖玉露映葉乳茄濃黛抹
已殘枸杞只留枿晚種蒿苣初生甲南來食魚忘肉
味久思吾土牛羊茁軟炊一飽老有味痛餘百壺今
不說蒲團齋罷欠伸時自覺少年心解脫

郭圃送蕪菁感成長句

蕪菁至南皆變菘、美在上根不食瑤簪玉笋不可

見使我每食思故國西鄰老翁知我意盈筐走送如
雪白蒸烹氣味元不改今晨一殮如向北孔明用蜀
最艱窘百計拮拾無遺策當時此物助軍行渭上襄
中有遺植英雄臨事完瑣屑終服奇才屈強敵想見
躬耕自灌畦當時有意誰能測

食菘莢苗

江鄉有奇蔬本草記菘莢驅風利頑痺解疫補體節
春深土膏肥紫笋迸土裂烹之芼薑橘盡取無可輟
應同玉井蓮已過貓頭茁異時中州去買子携根撥
免令食蔬人區、美薇蕨

波稜乃自波陵國來蓋西域也甚鮮麪毒余
頗嗜之因考本草為作此篇

誰從西域移佳蔬遍植中原葵苜俱清霜嚴雪凍不
死寒氣愈盛方芳敷貫金銳箭脫秋竹剪羅巧帶飄
華裾中含金氣抱勁利穿滌炎熱清煩紆老人食貧
貧易得大釜日煮和甘腴飲炊香白煮餅滑一飽盡
鉢無羸餘空厨蕭條煙火冷可但食客歌無魚男兒
五鼎食固美當念就鑊還愁呼

種芭蕉

幽居玩芳物自種兩芭蕉空山夜雨至滴々復蕭々

涼葉泛朝露芳心展夕飈東堂日虛靜秀色慰無聊

七日晚同潘郎乘月到藥家觀鶴問石生

羴角偶有之今早惠角一對良真是也吾藥

遂成欣然作詩

昨宵風月好携手得吾人南街訪老鶴夜扣主人門

入門未相見清咳已可聞見我展雙翅俛啄意甚馴

訪藥偶有之初尚疑偽真今晨墮我前獲此萬里珍

羴羊角出披圖驗良是入藥定有神望茲已試方輔

此老病身嗟我天所窮一事百苦辛茲遊乃輒遂造
物良已仁因歌遂成詩往調柯山君

服仙靈脾酒
冷氣侵吾髀趨拜劇苦艱仁哉神農氏遺藥驅痼瘵
持錢取之市易得如茅莞藥枝與芳葉盡取無可刪
貯之白練囊漬以壺酒寬七日以供飲跛曳皆翻跽
呼兒謹蓋藏用此九轉丹平生誤信書安坐得老遭
方書豈盡信柳子固多言事有回然者豈容盡欺謾
疾走非吾願且復補羸殘

趙德麟有詩言過萬壽縣得玉芝乃以供一
醉之味按道書凡芝皆神仙上藥無乃輕用
之乎

王孫憔悴食無肉天遣枯楊出雙玉荒園夜飲供一
醉仙物無乃遭輕辱王孫高名滿天下剽繪龍蛟刀
几熟眼高不為小物變采掇僅同葵蕪屬憐君十年
清穎客年少未甘窺藥錄再逢靈藥慎勿輕不死問
君安可獨

食杞

江臯春氣足佳杞蕃新苗老枿飽霜露餘滋發柯條
青：被修岡若：緣空壕僮婦必盈筐杯一勸爾勞
神農不吾欺夸譽何忉：堅筋及奔馬瑩目察秋毫
餘功補陽幹清利勝莖椒老矐天隨翁空釜無脂膏

飯成資爾薦長對顏家歌

搥藥

指可握而足臂可攘無它何為勲藥物杵曰日喧嘩
指臂可與人正欲使其佳念此慙吝生達人其我嗟

秋日喜楊介吉老寄藥

閑坊遠市聲終日掩衡門惟有風中葉蕭騷終日聞
午枕不成寐起坐無與君喜開故人書珍藥幸見存
其方受仙聖其效未易論豈惟蠲沉痾庶可輔本根
珍重復珍重厥價萬璆璫永年未可冀庶保無夭昏

三月小園花已謝獨芍藥盛開

靄：春日晚寂：新陰繁千紅與萬紫盛極一時闌
西堂晚芍藥百萼乘露鮮紅粧諸美人錦綺富貴妍
東風時過之舞態低昂翻折贈懷溱洧感之為三歎

宛丘先生文集卷第二十

宛丘先生文集卷第二十一
張耒
文潛

宛丘先生文集卷第二十一

張耒
文潛

古詩

瓜洲謝李德載寄蜂兒木瓜筆

瓜洲蕭索秋江渚
西風江岸殘紅舞
津亭永夜守青燈
客睡朦朧聽江雨
青尊曉酌遣懷抱
但恨鬱鬱將誰語
敲門忽得故人書
洗手開緘見眉宇
蜂兒肥膩愈風痺
木瓜甘酸輕病收
銘鋒皓管見還愧
老去筆硯生塵土
北歸飄泊亦何事
篙工已束橫江櫓
天寒應客太昊墟
當遣何人具雞黍

題吳熙老古銅槥

子雲鷓夷如大壺日醉自不妨著書盛酒借沽太勤
幼鑄銅為槥計未踈古人制器儉復真不似後世鏤
金銀一罌湛：致坐側時與周旋真可人

謝錢穆父惠高麗扇

三韓使者文章公東夷守臣親掃宮清廉不受橐中
獻萬里歸來兩松扇六月長安汗如洗豈意落我懷
袖裏中州剪盡霜雪紈千年淳風古箕子

魯直惠洮河綠石研冰壺研次韻

洮河之石利劍矛磨刀日解十二牛羊年虜地因沙

礫一日見寶來中州黃子文章妙天下獨駕八馬森
幢旒平生筆墨萬金直奇煤利翰盈筭收誰持此研
參案几風瀾近手寒生秋包持投我棄不惜副以清
詩帛加璧明窓試墨吐秀潤端溪歙州無此色野人
齋房無玩好慙愧衣冠陳裸國晁戾碧海為文辭礬
磚萬頃澄清漪新篇來如徹扎箭勁筆更似劃沙錐
知君自足報蒼璧愧我空賦瓊瑰詩

謝黃師是惠碧甃枕

鞏人作枕堅且青故人贈我消炎蒸持之入室涼風
生腦寒髮冷泥丸驚夢入瑤都碧玉城仙翁支頤飯

未成鶴鳴月高夜三更報秋不勞桐葉聲我老耽書
睡若輕遠牀唯有書縱橫不如華堂伴玉屏寶鈿歌
斜雲髻傾

田家三首

野塘積水綠可染舍南新柳齊如剪去冬雪好麥穗
長今日雨晴初擇繭東家饋黍西舍迎連臂踏歌村
市晚婦騎夫荷兒扶翁月出橋南歸路遠
社南村酒白如飴鄰翁宰牛鄰媪烹插花野婦抱兒
至曳杖老翁扶背行淋漓醉飽不知夜裸股掣肘時
謹爭去年百金易斗粟豐歲一飲君無輕

新見鵲銜庭樹枝黃口出巢今已飛粟留啄椹桑葉
老科斗出畦新稻齊田家苦作候時節汲水未免寒
與飢去來暴取獨何者請視七月豳人詩

嘲南商

兩袖全足帛望知江淮客深藏計筭苦好鬪意氣窄
愁逢湯餅盃遇鮓論甕昨市南沽茅柴歸店兩額赤

呼漁舟

過孝感縣十里所望一土山下有漁舟呼之不來
委舟負魚徑去不顧俄有一舟不待呼自拏舟直
前取舟中善魚致之求價甚賤余倍與之直卒辭

倍直而去余語之曰爾不待招而赴人之求仁也
售不求厚價廉也子豈有道者乎茲楚境也昔有
勸屈大夫以舖糟啜醢者豈非子耶為作一篇
有道隱屠釣仁廉非偶然傾筐出紫鰕揮手謝青錢
昔有離騷客名高楚國賢獨腥遭爾笑吾幸醉終年

和晁應之憫農

南風吹麥穗好飢兒道上扶其老皇天雨露自有
時爾恨秋成常不早南山壯兒市兵弩百金裝劍黃
金縷夜為盜賊朝受刑甘心不悔知何數為盜操戈
足衣食力田竟歲猶無獲飢寒刑戮死則同攘奪猶

能緩朝夕老農悲嗟淚沾臆幾見良田有荆棘壯夫
為盜羸老畊市人珠玉田家得吏卒操兵恐不銳由
來殺人傷正氣人間萬事莽悠悠我歌此詩聞者愁
北鄰賣餅兒每五鼓未旦即遶街呼賣雖大
寒烈風不廢而時畧不少差也因為作詩且
有所警示秬秠

城頭月落霜如雪樓頭五更聲欲絕捧盤出戶歌一
聲市樓東西人未行北風吹衣射我餅不憂衣單憂
餅冷業無高卑志當堅男兒有求安得閑

阿几

小兒名阿几眉目頗踈明日來書案傍學我讀書聲
男兒事業多何必學讀書自古奇男子徃々羞為儒
阿几笑謂爺薄雲無密雨看爺飢寒姿兒豈合貴富
翁家破篋中惟有書與史教兒不讀書更欲作何事

農婦

耕田衣食苦不足悠々送子長河曲同行不可別未
忍日暮河邊仰天哭男兒從軍薄妻子婦人隨夫誓
生死封侯佩印未可知不道沙場即為鬼

東方

東方未明更五鼓星河寥々寒雁度鐙々鳴鐸誰家
車陌上驅牛輶霜去北風吹面足踏冰村南早飯天
未明年々輸稅洛陽城慎莫後欺官有刑

一畝

一畝秋蔬半成實竈突無煙已三日良人傭車斃車
下老婦抱子啼空室西風九月天已寒飢腸不飽衣
苦單我身為吏救無術坐視啼泣空汎瀾

去年

去年四月多風雨麥秀不實農夫苦今年麥好風雨
調萬口嗷々飢待哺何事今晨還衣袂朝日無光寒
慘切天工與物無怨尤安用日與人為仇

食蟹

世言蠓毒甚過食風乃乘風溢為未疾能敗股與肱
我讀本草書美惡未有憑筋絕不可理蟹續牢如絙
骨萎用蟹補可使無騫崩凡風待火出熱甚風乃騰
中炎若遇蟹其快如霜冷俗傳未必妄但恐殊愛憎
本草起策漢要之出賢能雖失諒不遠堯跖終殊稱
書生自信書但說徒營：

和應之燈蛾

萬物皆受死爾生何獨愚由來附炎熱解不喪其軀
淺：權利客蹙：輕薄夫高門甚烈火相勸以奔趨

寒虫

寒蛩振翼聲騷：夜深月影在蓬蒿老人雖眠睫不
交愁窻人寂燈無膏荒城鳴金睥睨高北斗下挹西
江濤悲笳三奏老雞號晨光出山開沃寥

鳴蛸

鳴蛸啣高風連夜且復靜草虫何為者落日鳴復逞
陰黠相戰爭微物何所競化工執其機開闔惟所命
朔雁有行意肅：如待令江湖有舊渚寧畏風霜勁
所居堂後北籬下獲二蛇一小色赤長二尺
許一大色黑長七尺圍四五寸尾可貫百錢

盡放之

二物穴我居歲月亦已老一朝雙擒獲蜿々出幽草
安行免噬齧敢望吐珠報已月不殺虵昔賢有遺告

和應之蝮虎

蝮虎捕蠅君歎息爾胡縱蝮蠅遭食畏難侮易真可
尤能捕飛蠅猶有益君不見世上虛名相借與號以
千鈞實無縷豈惟無益害從旃搏蠅之虎猶為賢

聞蛩有感

遙夜飛螢動秋思獨卧空山驚晚歲可堪六月已聞
蛩日暮吟、響庭除閑河多風氣蕭索碧樹先秋早

搖落鳴機夜織常怨寒白紵吳衫苦輕薄年々促織
誰最悲堂上美人愁翠眉清砧搥練對殘月玉筍啼
紅裁遠衣唐風詩人勸其主行邁苦遲嗟歲暮山城
聽汝已三年三年白髮多于故飄々秋夢到江湖我
欲東歸贈碧鱸安能為爾將雙淚歲々風前沾客裾

莎雞

金風肇殘伏玉樹先秋涼嚶々草間虫感時振衣裳
楚客萬里思夜吟怨藜床勞々終夕語共此簷月光
孤輪曳獨壘折管韻哀鏗辛苦幽父兄無衣畏風霜

谷鳥

山暝孤猿吟

平野何岑寂空山晚易陰微雲數峯暝幽谷一猿吟
風果飢逾少霜枝冷不禁引吭當落日激響度前林
最惻騷人興偏淒遠客心高齋懷謝守空復昔時音
聞啄木聲

十二月旦聞東堂啄木聲忽記作福昌尉時在山
間環舍多老木臘後春初此鳥尤多聲態不一今
琵琶箏中所效既不類又百不得一二云福昌河
南屬邑也

睡起聞啄木忽憶福昌春官舍題詩壁如今經幾人

猶能老耽酒依舊拙謀身尚想蘭宮路東風清洛濱

鳥曰

鳥曰強知曉曉：鳴暗天我事不須早援衾且復眠
朝暉方憤：慘凜蔽清妍且復待午景負此簷間喧

八盜

挾弓持矛八人者暮出永寧循白馬緣村飲酒呼主
翁主翁倉惶問以弓朝飲南山眠獻彘主人贈刀其
姓李道逢兩夫捕鷹隼脅之以威使從已晚投民居
迫之饋坐有三夫願從事其徒新故十有三驅使兩
夫前探伺謀知小水無微巡彎弓長呼登市門傳聲

市人恣誘脅擾，坐致幾千人。一盜登床坐而視，四盜執兵環以衛。八夫露刃入民居，斂聚金珠致之。帥搜羅抉剔，凡入戶淫汙婦女，繫其主烹羊獻酒。來紛紛錢幣滿前，隨賜予一盜揚聲。集市人我憐，市人常苦貧。居民積財尚餘羨，恣爾攫取。余無嘆，市人聽令喜且舞。肩負囊擔推復數，須臾散去。閭里空犬逝，雞逃無敢語。八盜連謀，給其五為我鳴。金南取路人聞金聲，謂盜南八盜西馳下山去。長吏驅書呵有司，坐欲捕獲如吾期。洛陽大勝如皂帛，一百萬錢賞能獲。一朝兩卒扣我門，自言有密人不聞。我知小鼠羣偷，地二盜今居洛之溪。立呼吏兵給戈弩，期以朝擒夜馳去。可憐鼠子不知逃，猶復持矛起相拒。一士揮刀身首離，復取傍盜如携兒。八夫獲二，其六盡取。黨人付諸獄。

宛丘先生文集卷第二十一

宛丘先生文集卷第二十二
 張耒 文潛
 春寒二首
 星霜殘臘過霰雪一冬頻雲重常昏晝寒多更入春
 晚風梢翠幕輕雨斂微塵滿酌山樽酒驅愁爾最親
 又
 漠：陰還合迢：日自長雲容將雨露山意自風霜
 欄甲青辭土園枝笑倚墻薄寒能幾許春雨滿池塘
 春晴

宛丘先生文集卷第二十二

張耒 文潛

春寒二首

星霜殘臘過霰雪一冬頻雲重常昏晝寒多更入春

晚風梢翠幕輕雨斂微塵滿酌山樽酒驅愁爾最親

又

漠：陰還合迢：日自長雲容將雨露山意自風霜

欄甲青辭土園枝笑倚墻薄寒能幾許春雨滿池塘

春晴

春晴

溪流清欲漲。山雪白仍鋪。耕隴晴羅雉。春渠煖日蔬。
禽魚隨處樂。草木向陽舒。酒病年來甚。高眠懶著書。

傷春

山城夜來雨。卧病惜殘春。暗：鳥啼樹飄。花去人。
地偏佳客斷。官冷酒錢貧。乘興還騎馬。田家樂更真。

近清明二首

斜日去不駐。好風來有情。江城過風雨。花木近清明。
水樹間照影。山禽皆引聲。吾年行老矣。淹泊蹇何成。

又

丹：春向老昏。日復斜。鮮懽常止酒。不睡更烹茶。

幡起煙中刹。雞鳴林外家。陳王闕鷄道。風柳不勝斜。

青春

青春忽妍好。半嶺麗朝陽。谷鳥喜相見。園花明曉粧。
閑居耽道味。吟眺惜風光。扣戶有佳客。悠然三舉觴。
寒食後數日。方持齋誦經。而東園游人甚盛。

因賦

芳物忽過半。寒食已闌珊。園靜鳴鳥下。花稀新葉繁。
焚香翻貝葉。謝客掩柴關。止酒方清坐。畦蔬助晚餐。

寒食日贈同飲者

春城風雨後。花落滿人家。宿潤留芳草。晴輝上曉霞。

園林正寒食樽酒對年華一笑相逢地功名莫嘆嗟
客舍逢桃李清尊聊自懽夢中經夜雨醉裏度春寒
草色遠還綠鳥聲晴更繁預期多病眼花發莫辭看

春寒

春望

鳥去晴雲外帆歸芳草邊平淮分綠野春樹接低天
殘枿寒餘燒新青雨後田年來千里目容易淚雙懸

又

暖日晴薰草清淮濶浸天地早連遠水城廢入春田
目極風燈外愁懸淚臉邊人生苦多感花柳自年

暮春三首

還將多病眼冉冉對殘春啼鳥日求侶晚花如向人
物情懶着意杯酒最關身亦有功名志吾生付大鈞

又

應接非吾事深幽興有餘筍深鳴鳥下花薄午風疎
草淺見飛雉溪清生細魚端居亦多趣不用席門車

又

紅點薔薇架綠深桃李蹊語鶯知果熟忙燕聚新泥
節物有常態羈游無定栖寧須說鵬鷃物理固應齊

暮春書事四首

丹：春將老悠：晝掩閨鳩鳴高柳暗雨細廣庭閑
塵榻談無客風簾望有山街泥新燕子一：及時還
又
漠：山雲合簷風透薄惟柳藏陰後絮櫻壓雨中枝
坐煖晨杯罷香濃午睡時薄寒猶故在再取紫貂披

又
丹：春將老遲：日正長露花低曉架風絮集閑堂
水煖荷爭出杯寒杏已嘗芳菲值窮谷嗟負少年狂

又
林花飛已久芳草雨餘長人靜槐庭午簾斜竹院涼

沾泥新笋白封蠟煮醪香莫厭殘春醉流鶯勸舉觴

春暮有感二首

午枕消暗永春裘御曉清砌紅多近來園綠有深鳴
窓破斜光入爐消斷碧橫白頭為吏苦高卧笑浮生

又

江城春雨暗客舍夜燈明篝火添香炷擁衾聞竹聲
微明旁舍火斷續遠樓更何處離羣鳥孤飛深夜鳴

感春二首

不覺悠：過東風換故年青春消霰雪白日滿山川
草綠飄梅地江平去鴈天故園桃李動東望每依然

又
為問閑茅客窮愁何所懽焚香延晝睡酌酒過春寒
歲月顛毛換古今行路難浮生付造物留滯復何歎
晚春
積雨桃李暗西園已晚春平池花照影深樹鳥窺人
飛近燕知主青分柳過鄰浮生侶群動聊復共欣

送春

莽：平原綠悠：晚樹紅巢成鷺哺子柳老絮飛空
碧草長亭路青旂野店風傷心對千里無酒奈愁攻

遲日

遲日花光亂東風酒浪深天邊為客恨老去惜春心
起舞狂猶在悲歌病不禁高樓見千里不醉莫登臨

晚晴

衰塵朝雨細透竹夕陽明鳥雀知春去牛羊散晚晴
官閑端欲老謀拙漫無成堂下清溪水三逢蘋芷生

春日

輝：暖日弄游絲風歇晴雲緩：飛殘雪晴隨冰筍
滴春偷向新柳梢歸可伶客鬢蹉跎老每惜梅花取
次稀何事都城輕薄子買懽酌酒試春衣

上元日駕回登樓二首

紫霧氛霏閶闔開團、明月上天來香車百兩天街
晚清蹕一聲仙仗回燈隔畫簾時閃爍風穿高幕故
徘徊太平日久多閑暇簪笏從容待燕杯
長街十二遠相通閶闔我、綵霧紅天白華燈交皓
月樓寒朱幕蕩春風車頭笑語歸時醉城下傳呼夜
向中自古長安多樂事周南留滯意何窮予方寓陳
探春有感二首

出城但見春光老草色蒼茫柳色深煙樹遠浮春縹
緲風光不動日陰沉芳郊未厭縈紆入美酒何妨取
次斟羸馬青衫亦何事一生空負野人心

暮春

柳夢蒙茸待放綿櫻莢新葉大如錢深春冷落花殘
後寒食朦朧月淡天獨坐每將詩作伴遣愁安得酒
如泉傷心千里休凝望城外東風草滿川

清明日卧病

夜雨輕寒拂曉晴牡丹開盡過清明庭前落絮誰家
柳葉裏新聲是處鶯白髮生來如有信青春歸去更
無情更當種秫長成酒遠望陶潛過此生

鶯花零亂清明日巾褐蕭條老病翁烏鼎相親勤煮
藥素屏深坐怯當風愛花未免呼兒摘畏雨還成對

客傭自歎年來怨青鏡衰年改盡少年紅

水南春望

洛岸東風送馬行橋橫落日半川明
天連觀閣雲垂地春入山河秀滿城
老去飄萍甘屏跡興來懷古未忘情
短歌一曲聊回首不待悲秋白髮生

春日遣興

洛陽自古帝王都百戰荆榛只故墟
零亂園林遺物在嬉游人物古風餘
草迷公子障泥錦花近佳人油壁車
漂泊疆隨游客轡不辭塵土污衣裾

正月六日

元豐七年

楊柳梢頭臘雪消東風猶著晚寒驕
新年花柳傳芳信去臘星霜變斗杓
來共春烟晴井洒隨疎雨淚蕭蕭
蛾眉一閉年華改縱有遺魂可得招

感春

飛鴻歸盡燕將還亭院深沉人倚欄
斜搭鞦韆寒食雨已黃楊柳暮春寒
密粧杏萼紅如糝半落梅花香未殘
人世年非舊事感時惟有淚汎瀾

春日遣興二首

流光向老惜芳菲搔首悲歌心事違
綠野染成延晝永亂紅吹盡放春歸
荆榛廢苑人閑牧風雨空城鳥

夜飛斷送一翻飛李盡可憐桑柘有光輝
日烘煙柳軟于絲桃李成塵綠滿枝芳草有情隨處
好落花無賴信風吹關心相感知何處過眼芳菲能
幾時一病春來方痛飲遣愁唯有強裁詩

上元思京輦舊游三首

萬雉春城逼絳霄上元彫輦盛遨遊
瑞日低黃傘焯：榮光上赭袍雲捲珠簾開綵雉山盤玉闕枕
仙鼇長安一別將華髮溪竹山城更寂寥

九門燈火夜交光羅綺風來撲面香信馬恣穿深柳
巷隨身偷看隔簾粧身拘薄宦安知樂心逐流年暗

減狂留滯山城莫嗟歎貂蟬從古屬金張

隨託當年寄玉京一時交結盡豪英
倒觥凌亂迷籌飲醉帽欹斜並轡行
仕路飛騰輸俊捷山城憔悴感功名
佳辰強酌青尊酒寒竹蕭：月正明

春晚有感

洛川三月鴨鵝鳴游絮縈空塵不驚
茸：草色鋪風軟點：揚花着水輕
何處客增歸歸天末不妨微雨破
春晴江南有客增歸思張望汀洲蘋芷生

清明卧病有感二首

支離卧病逢佳節漂泊西游寄洛城
重帽畏風惟益

睡青筇扶步不禁行。紅飄殘夢知風急。綠滿新枝聽
鳥聲。不見賈生遺宅。處空傳金谷舊園名。悲歌身世
驚將老。悵望古今空復情。笑看家人競時節。爭持新
火照清明。

飄萍着處即為家。伏枕悠。對物華處。鞦韆競男
女年。寒食亂風花。藥囊親坐。勞煩檢酒甕。生塵亦
可嗟。未老會尋吳市卒。苦貧須種邵平瓜。雲煙南望
羣山會。水樹東流去。洛斜行止。此身應有命。不須辛
苦問生涯。

已未早春有感

南國柳黃鶯未知。人情何事恨春遲。雪抽宿麥晴來
葉雨長。枯榆燒後枝。載酒有誰尋寂寞。受薪只合學
支離。近知壁觀安心法。亦擬平治不作詩。

春陰二首

漠。重雲向晚低。臘寒新去有餘威。風梢簷滴難開
幌。潤引爐香易著衣。把酒自傾金錯落。探春誰汙錦
障泥。山城冷落無歌舞。只有芳醪取次携。

溪樹昏。鎖暮雲。晚山愁黛對含顰。不甘小雪猶妨
暖。長恨閑雲每占春。寶帶金貂俠第客。鈿車珂馬帝
城塵。玉城自古繁華地。回首高歌悵望頻。

寒食贈遊客
陰：畫幕映雕欄。一縷微香寶篆殘。寒食園林三月
近。落花風雨五更寒。箏調寶柱絃初穩。酒滿金卮飲
未乾。明日踏青郊外去。綠楊門巷繫雕鞍。

暮春贈陳器之

牡丹開過解鞦韆。鴨鵝鳴時三月天。盡日好風吹絮
雪。一池春水泛蓮錢。溪邊蒲筍供朝飯。堂上圖書伴
晝眠。端坐窮城何所得。只收風月入新篇。

寓居春日書事

禪宮寂：白晝長。出門江山悲異鄉。歌簷日暖好鳥

語。空庭客稀春草長。紅樹人家隔修竹。青蕪村路遠
橫塘。欲向東城踏青去。碧雲何處水茫茫。

春日

如絲苴甲飭春盤。韭茁金黃雪未乾。旅飯二年無此
味。故園千里幾時還。異方時節三卮酒。殘歲風煙一
慘顏。曾奉龍旂典邦禮。歲窮祠祀少休閒。

黃人謂寒食上塚為澆山。其祭饌多用菟菜。
事已則鳴鉦而歸。

携酒澆山去。鳴鉦徹祭歸。青蔬蒸果弱。白酒市無旗。

市多私酒。日暮人皆醉。夜深歌似啼。
不立旗望。歌聲甚悲。故人

書問我何用久居夷

江城寒食

江城寒食近風雨作輕寒花落已可惜春衣猶怯單
畏人成不出已老自無懽沽酒金明道回頭十五年

村晚

深塢繁花麗晴田細逕分孤舟春水路芳草夕陽村
暗雀投簷靜昏鴉集樹喧牛羊自歸去燈火掩柴門

宛丘先生文集卷第二十二

宛丘先生文集卷第二十三

張耒文潛

律詩

夏日五言十二首

過雨芟荷亂繁陰竹樹多雜聲知鳥哺萍動見魚過
細逕饒苔蘚陰墻引薜蘿角巾從倒側踈懶欲如何

又

蚓壤排晴圃蝸涎印雨堦花鬚嬌帶粉樹角老封苔
問字病多忘過鄰慵却迴晚涼還盥櫛對竹引清杯

又

山雨晴來暑溪雲暗復興林塘陰不陰巾幘潤還蒸
書帙瀟披蠹繁食厭撲蠅老來疲繭甚多病日侵陵

朝雨來還密村墟一望間遠聲唯野竹潤色但青山

書史供高卧莓苔只閉闌蕭蕭覺秋興飄颻近衰顏

又

細徑依原僻茅蓬四五家山田來雉兔溪雨熟桑麻

竹籠晨收果茅庵夜守瓜頗知農事樂從此問生涯

又

養拙貧無事深幽樂更真簷巢偷哺子樹啄巧藏身

竊果鶯知主移居蟻過鄰老夫朝食美薦俎有溪鱗

又

謝守常搜句陶潛亦效官傍溪分水細過燠得天寬

布種隨蔬隴尋香到藥欄野裝兒稚笑繩屨鹿皮冠

又

久與山川約那無風月情經營元濶畧踈放自平生

山友招相見鄉書向遠征慙勤語歸計貧病苦難成

又

種藥幽人事還披本草經出山挑舊翠過雨有新青

術受壺中秘方傳肘後靈不辭勤服餌為變髮星星

又

陶令拋官易龐公去隱深由來浮生事可見昔人心
卜築閑多思奔馳病不禁簷楹來燕雀鸞鶴自山林

又

蛩怨青莎老螢飛積水深庭除延夜色砧杵發秋心
雄劍鳴初匣寒衣補硬針老來詞賦懶從使二毛侵

又

夜色川原合秋聲草木催星辰隨地濶河漢寫山來
棲鶴涼先警飢鳥夕未回高樓對斜月鳴笛正清哀

和應之盛夏

驅馬畏炎暑杜門常鮮懽吳綃朝扇薄越布夜衾單
飲沿山禽渴沾泥雨果殘二年薇與蕨實厭野人餐

和應之永日

多病倦煩暑幸茲山水幽惜芳悲鶉鷄占雨聽鳴鳩
池影澄當戶山陰暮轉樓黃昏螢點點秋信已堪愁

夏日襟興四首

隔牆泉下是東溪細溜消：入我池一部笙簫寒竹
響百年風雨古槐姿果懸幽檻朱初熟蔓度空牆翠
欲垂野趣轉深身愈老故應寂寞畏人知

無地從容解鬱陶寄懷林野散塵勞含風槐柳參天

合足雨桑麻映露高五斗得官迷簿領一塵何處斲
蓬蒿致身富貴須年少願我衰遲已二毛
墻下溪流清且長夾溪喬木雨蒼蒼
裊風吹果擊枝重照水圓荷舞葉涼
蝸殼已枯粘粉壁燕泥肯落汚書牀
南山野客閑相過贈我能携藥滿筐
蔬圃茅齋三畝餘溪光山影動浮虛
病妻老去惟尋藥稚子年來解愛書
中散無堪心放蕩馮唐已老性蕭疎
全真養素安吾分敢謂軒裳不我如

夏日三首

長夏村墟風日清簷牙燕雀已生成
蝶衣晒粉花枝

午蛛網添絲屋角晴落
疎簾邀月影嘈
虛枕納溪聲
久判兩鬢如霜雪直欲樵魚過此生
黃簾翠幕斷飛蠅午影當軒睡未興
枕穩海魚鑄紫石扇涼山雪畫青繒
廊陰日轉彫欄對坐冷風生玉盃冰
滿案詩書塵蠹甚故應疎懶過炎蒸
東徑瓜畦輕雨涼白衫烏帽野人裝
幽花避日房欽翠樹含風葉
涼養拙久判藏姓字致身安事巧
文章漢庭卿相皆豪傑不遇何妨白髮郎

和晁應之大暑書事

蓬門久閉謝來車畏暑尤便小閣虛
青引軟苔留鳥

篆綠垂殘葉帶虫書寒泉出井功何有白羽邀涼計
已疎忍待西風一蕭颯碧鱸東贍意何如

大暑戲贈希古

去年揮汗對淮流寒暑那知復一周土潤何妨蒸伏
暑火流行看放清秋鬢鬢總白難相笑觀廟俱閑好
並遊只怕尊前誇酒量一揮百酸不言休

仲夏

雲間趙盾益可畏淵底武侯方熟眠若無一雨為施
澤直恐三伏便欲然算商酌酒有底急束帶坐曹真
欲顛平生不解作熱客且復飽食窺陳編

夏日二首

詩書老去信無功偷得閑官許養慵山影當庭初轉
日水聲穿竹自來風晚催萱葉昏還歛日射榴花午
更紅覽物賦詩成底事蕭蕭霜鬢欲衰翁
重雲卷雨過山來遍洒中田到曉迴錯落晴山多斗
極陰森暗峽宿風雷佳人夜齊紈恨騷客年鶻
鷓哀欲見清秋近消息月明白露濕蒼苔

四月二十日書二首

十步荒園亦懶窺枕書小醉睡移時健如黃犢昔無
幾鈍似寒蠅老自知休惜飛馳春過眼但求強健酒

子文正集
盈危。枇杷着子紅榴綻。正是清和未暑時。
久將醉眼視羣兒。只與旁觀作笑嘻。賦芋狙公曾未
悟。牽絲木偶幾多時。雲間炎景人方畏。地下微陰誰
得知。榮謝古今同此理。老翁端坐但忘機。

早起觀雨

雨葉風枝日夜長。東園穠密欲生光。可憐積雨初過
暑。更轉餘光作晚涼。蚕事已成家媪喜。麥畦初潑老
農忙。絲絲結縷催端午。又見黃頭鼓楫郎。

早秋感懷

永日付悠、年華逝不留。風聲送殘暑。雲色淡新秋。

吾道儻有待。窮通寧遽憂。朝來望清潁。一雁下汀洲。
秋懷次韻晁應之三首

木落晚風急。宵涼侵暑衣。有期惟向老。無計未成歸。
只益顛毛脫。還從髀骨肥。感時仍吊古。回首意多違。

又

衰鬢不堪洗。病軀先覺陰。天寒白日短。歲暮亂山深。
薄酒醒無力。危絃奏不禁。謀身老逾拙。三聽洛陽砧。

又

清秋萬里興。力疾上高臺。歲熟雉兔飽。風高榆柳摧。
晚篁元自綠。幽菊為誰開。寂寞無人問。鄉書久不來。

髀骨肥

秋晚

鳥栖林已靜。門掩吏家歸。黃葉雨中盡。鳴虫霜後微。
塵凝經暑扇。貂敝早寒衣。賴有清尊酒。山爐徹夜圍。

秋夜

月到啼蛩壁。風搖睡鵲枝。秋來客不寐。遙夜漏何遲。
已近風霜節。寂無蚊蚋時。天時只自爾。浪遣宋生悲。

落日

落日西風急。空山客獨驚。夕雲寒不動。秋木暮多聲。
粟厭周人飯。尊思故國羹。南飛有征鴈。羨爾羽毛輕。

寂

寂：秋日暮輝：簷影斜鳴。虫隱衰蔓。晚蝶守餘花。
雨惡荷翻葉。墻崩竹引芽。不才非吏隱。雞黍學山家。

即事

雨杳生朝菌。秋墻長若耶。槐榆蔽窮巷。藜藿接鄰家。
但願好事酒。無勞長者車。御冬須旨蓄。吾亦問生涯。

落莫

歲晚苦落莫。獨游情易傷。晴溪沙漾碧。秋徑葉鋪黃。
幽菊開經雨。踈槐老奈霜。閑門無俗客。攄散有林塘。

斜日

斜日歸殘暑。秋容淡太虛。閑雲工變易。片月自清孤。

淹泊年華老淒涼歲事餘時違自朴拙興懶日蕭疎
阮籍慵耽酒文園病著書簪纓非草野江海得樵漁
伏盡金才旺天高火欲流病悵拋酷暑詩興得高秋
晝靜塵埃少宵涼河漢浮清傷桐柳臆爽奪蕙蘭柔
晚歲寒將屆群芳棄不收幽人多感慨啼鴉助騷愁
病懶非高卧疎迂却自由功名與世事擺落醉鄉遊
次韻和王彥昭九日湖園會飲
故人冷寂寞九日共登臨天地客行遠山河殊已深
狂來能醉舞興罷獨悲吟莫怪淒涼甚多憂損壯心
九日獨游懷故人

故人分散在天涯九日登臨獨嘆嗟人世光陰催日
日鄉閭時節自家風塵滿眼臨秋盡鼓角荒城送
日斜取醉憑誰正烏帽遣愁猶強插黃花

秋興

薄雲閉日曉悠々簷雨蕭々急未收佳樹已離今歲
葉西風還是去年秋蹉跎不奈時驚客牢落惟憑酒
散愁多病支離欣得睡晚來涼氣滿衾裯

病中得應之晁文秋懷詩

西風堂下飛黃葉病臥空牀白日高疲茶扶行孤竹
杖蕭條隱几兩霜毛散花有客談真實燒藥無人過

寂寥怪得晚來頭目快新詩秋興苦飄飄

秋宮

帳額闌班暗舊金玉視重香煖沉。秋風宮殿梧桐老暮雨樓臺簾幕深銀箭漏連雞唱晚綺窓人睡晝生陰無眠慣滴班姬淚聽盡長安夜。

次韻李晉裕教授九日見贈

滿酌聊酬菊葉黃登高仍在太心陽笑談佳節賓朋集詩酒情懽興味長倦客得閑聊欲飲老人雖醉不成狂先生莫歎壘塩久行見高才穎出囊

中秋無十日戲呈希古年兄

放逐江湖一釣舟蕭條故國又逢秋炎涼始信來如舊歲月相催逝不留日落千蛩喧戶牖風高一雁下汀洲地無積潦蟾華好誰買新醪作夜遊

早秋感懷

一行為吏百事廢幸此村州終日閑莫疑兕虎率曠野正見虎豹守天闕簾櫳晝靜燕已去陂澤風高鴈欲還老見功名真戲事惱人何用鬢毛斑

和宏父新秋詩

年二庭下梧桐葉長為騷人先報秋已驚歲月悲雙鬢更望山川歌四愁浮生百歲謾自苦一醉萬慮同

時休瀛洲仙客莫惆悵直泛三山煙浪舟
齊安今秋酒殊惡對岸武昌酒可飲故人潘
主簿時惠雙榼

軍城曉鼓已逢：城下秋雲卷暮江。祗有老雞能喚
卧更無佳客可傾缸。衝風時動蕭蕭葉。晚日斜窺寂
寂窓。猶喜江南有佳客。憐貧時致玉壺雙。

晚望

長林脫葉委風高。晚菊依：發舊叢。夢澤雲低街落
日。中洲山斷見來鴻。行吟騷客三年謫。嗜酒衰翁百
事慵。歲晚不須求季主。從來天理有窮通。

東堂即事

東堂歲晚直窮寂。葉落寒蔬風雨餘。下里數家同井
臼。荒山十里半榛蕪。夜霜摧菊房俱歛。晴日薰梅氣
欲蘊。誰似樊山偏得意。倚天紫翠照空虛。

秋日

墮葉鳥不顧。枯莖虫莫吟。野荒田已獲。江暗夕多陰。
夜語聞山雨。無眠聽楚砧。做裘還補綻。披拂動歸心。
八月六日西風極涼如十月間晨起偶題

初過三伏暑初歸。風景誰知遽慘悽。短日旅愁消美
酒。五更鄉夢託晨雞。江天水冷魚龍蟄。野澤風多鴻

鴉稀塵篋敝貂猶得在遇冬偶免嘆無衣

所處三為最清氣最清味最清氣最清味最清

八月六日西風甚烈吹十日間氣遂漸晴

宛丘先生文集卷第二十三

前黃山不識其地其地其地其地其地其地其地

宛丘先生文集卷第二十三

宛丘先生文集卷第二十三

宛丘先生文集卷第二十三

宛丘先生文集卷第二十三

宛丘先生文集卷第二十三

宛丘先生文集卷第二十三

宛丘先生文集卷第二十四

張耒文潛

律詩

初冬小園寓目

獨樹翹寒色閑雲淡落暉新霜黃菊重久雨翠梧稀

暝雀鳴還啄高鳥定更飛敝貂猶故在卒歲免無衣

冬日作二首

南雨不成雪北風樓觀寒眉顰魯酒薄腸斷楚梅酸

雲夢寒全薄湖湘春欲還舉頭瞻去雁羨爾有輕翰

又

澤國久還雨頻妨。裘褐溫羈懷常悄。醉眼任昏。雲赴荆王夢。天迷楚客魂。飄萍惟泥酒。吾事官輕論。

郡閑多暇日。况乃值清冬。風葉已成掃。霜蕪猶復重。

佛香留夜火。蔬飯候晨鐘。誰信二千石。心如一衲翁。

冬日書事三首

草：漫翁居心安。知有餘風高。收野潦。霜晚足園蔬。宿火溫茶篋。明燈展素書。御冬無旨蓄。漬藥酒盈壺。

又

孤城已慘淡。晚色復朦朧。日動烏桤葉。雲開雁去風。

草繁田尚綠。霜薄葉微紅。已是悲搖落。那堪歲更窮。

又

昨夜新霜着瓦乾。西園梧葉盡飛翻。楚鄉原野長青草。澤國風雲只薄寒。梅蘂半含空有待。菊叢已過似無言。杖藜引望仍搔首。羨爾鳴鴻整羽翰。

冬日雜詩八首

清洛西風急。遙知故國秋。羈遊成歲月。踈放合淹留。地僻驚身老。山高更旅愁。登臨有詞賦。不減在荊州。

又

地僻秋將老。山深客未歸。閉門朝對雨。搜篋冷添衣。

圖暗經陰畫琴昏在匣徽妻孥慣山藪不復問珠璣
又

日落西風起空山客獨驚夕雲寒更重秋水暮多聲
粟厭周人飯尊思故國羹南征有飛鴈羨爾羽毛輕
又

歲暮北風疾山深寒日昏投衣負厭補添續老須溫
懶慢拋書卷晴明到藥園鄰家新酒熟吾敢但空樽
又

一逕秋風起牛羊晚自歸寒燈明野店吠犬守荆扉
空峽風霜急孤村火燭微庭梧搖落盡栖鳥夜歸稀

又

歲暮周南遠驚心鬚欲絲風霜為客老淮海寄書達
峽冷重雲夜天昏斷雁悲山爐通夕火賴爾獨吾私
又

景短冰霜地人稀豹虎村風連諸壑動日帶亂山昏
浩蕩空回首蕭條獨掩門東周舊耆老留滯飽知聞
又

望極添秋思樓高動旅懷天寒諸瀨急野濶四山來
餘葉能幾許高鴻殊未迴年々洛陽道歲晚厭風埃

臘日晚步三首

池館留餘雪西山照夕醺臘催梅蘂近春向鳥聲新
愁思供多病風光欲近人年：桃李樹為爾幾傷神

空山身欲老殘歲臘還來愁怯年：柳心傷處：梅
綠蔬挑甲短紅蠟綴花開冰雪知何有東風日夜迴

喜覺陽和近山園策杖行草應知地暖柳欲向人輕
殘雪通春信鳴禽報曉晴田間未成計搔首向春耕

臘日六首

今日何妍暖青春亦不遲竹尋穿地筍梅有犯寒枝

雲物晴無事禽魚暖自私芳菲行滿眼準擬報愁知

又

臘雲寒不動殘歲轉蕭條雪意千山靜天形一鴈高
水留簷舊滴紅到杏新梢寂寞羣兒笑因文更解嘲

又

日暖村：路人家迭迭迎婚姻須歲暮酒醴幸年登
簫鼓兒童集衣裳婦女矜敢辭雞黍費農事及春興

又

南壁蒼崖壯窮冬井落閑風聲先老樹日色避諸山
落鴈飢相向啼鳥夕自還微：寒月影蓬戶已深闌

又

園冷無人掃。門荒少客過。槐高庭日少。竹近野風多。
霰雪催殘臘。山川對浩歌。飄蓬求季主。身世問如何。

又

擊柝山城閉。疎燈野店扃。疾風鳴夜谷。晴水動浮星。
霜翼歸何晚。鄰機織未停。短歌聊自放。愁絕更誰聽。

冬夜二首

慘：諸山暮。寥：老樹空。尚飛霜雁急。不動雪雲重。
掛冷寒燈壁。悲傳夜柝風。隔窓無限竹。蕭颯到晨鐘。

又

歲晚轉無趣。席門誰駐車。澗泉分當井。山葉掃供厨。
謀拙從人笑。身閑讀我書。幸知霜霰晚。時得灌園蔬。

臘月書事

荆棘連昌路。珠璣久化塵。青山飛白鳥。野水渡行人。
寂：繁華盡。悠：草木春。人間有興廢。何事獨傷神。

十一月七日五首

寒更催欲盡。曙色轉難吃。鳴雁背曉斗。清笳吟宿霜。
空山歲華晚。故園歸夢長。晨起臨清鏡。悲嗟髮已蒼。

又

寒暑添線衲。朝晡折足鐺。無言病居士。面壁老胡僧。

佛祖豈欺我乾坤終有憑窮年無一事高卧醉騰

又

山與晴天晚江連夕照紅高鴻知夜者喬木要霜風
買酒缸須滿温爐火屢供窮通定何物隨意樂衰翁

又

三杯無奈醉一褐有餘温眼下幸無事世間何足論
山僧元飽飯詞客謾招魂杖策知何詣門前老圃村

又

水霧今晨重山川不復分自然無日色那更挾霜氛
烏鳥依寒寂漁樵散暝昏一杯聊愈疾令我憶韋君

冬至後三日三首

寒暑添線初朝曠折足鐙何勞問榮辱便是了平生
理自陰陽運吾寧口舌爭深居玩吾寶不遣世人輕

又

水國過冬至風光春已生梅如相見喜鴈欲有歸聲
老去書全懶閑中酒愈傾窮通付吾道不復問君平

又

梅柳有情態江城逼歲除山村見霜橘江市出寒魚
謫久衣冠懶身閑故舊疎傍籬挑菜甲憶我故園蔬

歲暮閑韻四首

歲暮柯山客端居不出門風煙限僻壤閭井若荒村
江鳥占寒暑樓笳報曉昏風枝吹斷蔓霜葉擁陳根
慷慨看星劍煩愁泥酒尊孤烟吹日晏寸炭語宵分
未宜傷麟泣還須視舌存可能天理錯難與俗人論
魑魅徒為尔。臯鸞竟異羣。江湖休浩渺心拱北辰尊
歲暮柯山客蕭條酒一樽貧閑緣事少老冷賴爐溫
草木千山麓蓬茅數畝村相逢半農圃無事理雞豚
落景催鳴碓橫參對掩門人歸邑犬吠江黑夜鴻翻
櫛感顛毛減書愁病眼昏按方成小釀徵古構新文

默喻乾坤意靜看魑魅奔何須歎虎兕吾道古來尊

又

歲暮柯山客晨興理小堂重雲隔短日老樹拱清霜
煖足加爐炭翻經炷佛香蠲痾藥探篋破悶酒盈觴
江落朝宗急年登播殖忙江魚切玉白楚橘撲雲黃
獵獲頻供爨鄰蔬屢許嘗吾謀殊未失曝背負朝暘

又

歲暮柯山客端居欲滯滯空山唯古木短日更層陰
水國風霜晚幽人井磴深年飢無貸粟冬暖有殘砧
靜枕聞鳴雁開門對遠林烏賓朝日上雞送曙河沉

今古竟一致。乾坤固有。心悲歌激。壯氣未覺。鬢霜侵。歲暮一首

歲暮無聊客。端居如坐禪。薄霜猶衣袂。多雨急收田。落日烏鳶集。晴林橘柚懸。已無軒冕念。岑寂度殘年。歲暮獨酌奉懷晁永寧

天涯催晚歲。殘律去如奔。入夜北風惡。多陰寒日昏。野吹餘燒燼。溪落舊沙痕。霜重飢鷹疾。田空宿雁喧。山明千笋直。雲積萬營屯。足雨耕犁早。豐年柿栗繁。地平秦接席。土斷洛開門。白首三年客。黃桑數畝邨。懶梳悲髮短。不寐守爐溫。折骨披殘枿。蒼龍卧老根。

晚篁猶竚思。幽葉助銷魂。慷慨雙龍劍。飄零一酒尊。琳琅思秀色。環珮想清言。獨語看明燭。空庭月出軒。

冬至三首

昨夜新霜落淮南。十月初寒雲風後。白高木雨來疎。功業嗟謀拙。星霜逼歲餘。子雲真拙者。寂寞為玄書。

又

汴水日夜淺。天寒霜野寬。拂衣秋葉亂。衝面北風寒。不作歸山計。空能走馬鞍。濟時吾力薄。俛仰一悲嘆。

又

孤冷不成寐。起坐聽雞號。樓閉更籌靜。天寒星斗高。

蕭條陶令酒清怨楚臣騷凜、悲秋意何須待二毛
食薇

歲窮陰不解短日過墻微幽鳥穿林小寒鳥啄樹飢
冰霜崖嶺壯煙火井閭稀老拙安閑僻無心厭食薇

歲暮書事十二首

歲晏北風疾山空萬谷號木枯隨意折鴻斷不成高
深屋支蓬戶温爐煖緼袍老夫元不寐鳴竹鼓蕭騷

又

清洛魚梁棧霜鱗素鯽肥供厨調鼎快充腹此羹稀
老去只便飽年來甘息機寒江鱸膾美張望未成歸

又

風捲塵沙白雲垂雪意凝夜山時叫虎晚市早收燈
園栗炮還美村醪醉不能三年官况味真是冷于冰

又

牛羊已歸去殘照滿山陂霜雁田中靜風鳶木杪悲
川原今自若龍虎昔交馳丘隴耕桑盡千年不復知

又

原廟依岡起傳聞世祖營南陽無雉熊耳合拔兵
霜日蓬原路天風栢殿聲山川英氣在不負昔聞名

又

北風吹馬疾石徑上危基野俎飽顏脯山罈煮橡糜
寒耕敲凍石獵火上風枝留滯親麋鹿多慙髮欲絲

又

壯心常許國平日討論兵天地身將老山河意欲驚
病多緣痛飲吟苦更傷情斗酒新豐市何又問馬生

又

自昔周人俗貪庸巧治生千金不冠帶一飲起紛爭
佩犢攻攘臂通書為姓名二南分陝化寂寞久無聲

又

千載傷頑俗遺風耿未忘陳荒兵擊鼓魏編女縫裳

遠客防猜疾官居備寇攘妻兒怪多喜清洛有歸艍

又

陳葉不肯輕凍醪凝未融寒林晴有影霜日冷無風
許國片心壯勞生雙鬢蓬功名未愚智萬事古今同

又

日落驚明燭一杯千里心驕兒驚醉舞山僕怪悲吟
谷冷水流急天昏雲起陰三更何處鷹急：尚哀音

又

雲去暮天迥雁飛寒夜長姮娥守孤月青女恨連霜
不寐看鳴燭長吟送羽觴山爐烏石鼎伴我老他鄉

冬日雜興二首

小園晴自掃曝日坐前軒野鼠穿山葉寒鳥啄草根
短籬藩隙地別逕入孤村幽趣供岑寂淹留不復論

又

水落橋痕在沙乾岸草枯霜餘槐老壯風際竹清疎
啄木高逾響鶴鷓飛且呼二年親友絕唯有對禽魚

已卯十二月二十日感事二首

高樓乘興獨登臨搔首天涯歲暮心帶雪臘風藏澤
國犯寒春色著烟林山川極目風光異歲月驚懷老
境侵可是斯文天未喪楚囚何事涕沾襟

蹉跎流下已華顛又見荆湖一歲遷人怯苦寒愁短
日天收殘臘放新年園林寂歷飄梅後里巷經過爆
竹前自料知非猶得在潛心久學衛蘧先

冬節小不佳懷正叔老兄

老境光陰短景催新冬又復一年回焚香燕坐衣僧
衲煮藥高眠廢酒杯處：庖厨鳴甕缶年：歌笑慘
風埃孟公歌舞猶須雪未放愁眉取次開

至日有感二首

兩逢至日驚身老遠寄周南覽物悲佳節風煙長慘
：他鄉人物自熙熙荆榛淆混秦闕破草樹芳華

芳華苑隋苑隳悵望高歌一回首茲辰樽酒莫相違

又

一卧孤村兩見冬。獨搔華髮思無窮。荒山極目漫汗
雪。老樹當庭晝夜風。佳節妻兒具樽酒。茅齋斟酌慰
愁翁。未央曉賀瞻天冕。正在爐烟縹緲中。

九月末大風一夕遂寒安置火爐有感二首

謫官兩向黃州火。知是明年何處冬。須信炎涼相代
至。亦知榮辱到頭空。怨咨莫起天公念。燕坐何妨佛
理通。更有墻邊一樽酒。能于愁面放春紅。余以丑年
春至黃今

見二
冬矣

風聲一夜下林端。遽作霜天十月寒。三伏炎蒸不可

過。北風栗烈亦何難。人情伺待常從緩。天令推移古

不刊。幸有布裘氈履在。雪深高卧更安閑。黃岡三伏
暑不可過

云故

冬至贈潘郎

曉鏡星、華髮新江山。流落未歸人。五紋暗度人間
線。九寸潛通地下春。歌笑欣、環老稚。杯盤草、稱
清貧。與君同是柯山客。憲外梅花解笑人。

寒夜

暗空無星雲抹漆。邑犬吠野人履霜。歲云莫矣風落

木夜如何其斗插江屋頭眠雞正寂。野縣嚴鼓先
逢。摩挲老面起篝火。春色林頭酒滿缸。

臘日二首

臘日開門雪滿山。愁陰短景歲將闌。江梅飄落香元
在。汀雁飛鳴意已還。佳節再逢身且健。一樽相屬髮
毛斑。明光起草真榮事。寂。衡門我自閑。

異鄉懷舊人千里。勝日難忘酒一盃。不恨北風催短
景。最怜殘雪冷疎梅。江邊寒色雁催盡。天上春光斗
挹回。獨我呼兒贖丸藥。微功聊取助衰骸。

宛丘先生文集卷第二十四

宛丘先生文集卷第二十五

張耒文潛

律詩

小雨

小雨廉纖晚幽花寂歷秋嘉時空冉。白日付悠。
亂思工縈恨危腸只貯愁唯應時扣寂一念萬緣休

和應之細雨

朝烟和細雨病眼暗難分有澤物皆澤無聲人不聞。
綠連平野稼翠雜亂山氛晚霽復何有飄。神女雲

和小雨

入夜雨聲急。坐愁衾枕單。春歸千里恨。夢斷五更寒。
遣興芳樽滿。驚心節物殘。山城近野水。半夜有歸翰。
晚霽

山川收滯雨。烏鵲有和聲。半嶺日猶照。一天雲盡行。
人皆理墻屋。吾亦掃柴荆。鶻鴨何多喜。渠流漾淺清。
秋雨書事

荏苒歲云暮。空山朝夕陰。可堪連日雨。併作晚秋霖。
蕭颯三川合。淒涼八月深。衰荷啼卧水。怨葉泣辭林。
徑滑蓬蒿長。庭荒苔蘚侵。遠聲連但織。疎滴和清砧。
燈暗殘更夢。閨寒向曉衾。衣沾負路客。啼苦失巢禽。

天接岡巒近。雲連草樹深。川容千仗肅。溪力萬艘沉。
紅濕梨垂頰。黃沾菊破金。苑荒懷古恨。樓遠望鄉心。
碧漲池中浪。青藏雲外岑。客城陰燐走。敗舍濕蝸尋。
騎省驚衰颯。荆州歎滯淫。恨饒經暑扇。冷入補衣針。
懶學書高閣。驅愁酒細斟。離憂殊未闕。悵望一長吟。

雨中二首

手種階前樹。今朝亦有花。春陰寒食節。陋巷逐臣家。
欲酌消愁酒。先澆破睡茶。游人歸踏雨。里巷晚喧譁。

又

節物即自好。客心何落然。早寒清野市。夜雨濕江天。

破屋疎茅滴空厨濕葦烟政須一杯酒相與度流年
又二首

積雨暗春色東風還慘悽梅殘無復笑鸞怨欲成啼
暇日無民訟芳時有酒携不辭乘興出病足畏深泥

又

春淺厭寒攪雨多空日長飯餘時策杖睡足獨焚香
芍藥正酣寢海棠渾未粧賢哉堂下竹相對只蒼

又一首

三日雨不止陰雲生我堂曉寒如臘月凍坐憶朝陽
過雁低薄屋高梅飄度牆呼童傾一榼獨對盃光嘗

秋雨二首

急雨淒風未宥晴墻陰先報候虫鳴掃除暑氣驅三
伏催促秋聲向五更美酒苦能斟靖節二毛偏解著
潘生醉來真有無窮意老去何勞浪自驚

陋巷柴門揜寂寥一窻風雨晚蕭蕭：清秋漸冷尤宜
懶闌日苦長無處消烏几青筇扶病弱素琴黃卷伴
逍遙交朋南北音書隔雖有芳樽誰可招

新霽

國門幾日斷行蹤新霽欣然路小通晚夢有情開宿
雨長林盡日舞高風后皇佳植寧無橘鸞鳳求棲亦

有桐不惜園林娛逐客此情誰似主人翁
初秋對雨

閉戶理殘編踈慵得自便朝涼清病思秋雨對高眠
屋冷深藏燕槐疎濕抱蟬所忻堂下菊芳意已鮮

寒食前一日大雨不止

寒食窮愁歎陋邦可憐終日雨淙淙不妨農畝連雲
稼獨惜園花脫錦杠最苦繁聲欺屋漏願看霽色放
春江明朝日出誰能料已喜燈花照夜窓

喜雨贈潘邠老昆仲

時久旱
多火災

卧聞飛雨響高堂已覺脩短幌涼悔禍畢方收烈

熖知時田祖放新秧簞歌幸免遷三徑穀麥行看糶
萬箱欲過東坡泥沒脚春餘烟柳正蒼

十月二十日夜大雨電震電先是數日極煖

至是方稍晴

江鄉節候異中州十月狂雷震未休二年到耳同常
事一夜雨聲如蚤秋想見麥畦添宿潤更欣蔬甲長
新桑東堂曉望氛無祲洗出樊山紫翠浮

秋雨

塔下梧桐樹芳菲亦已休歲時驚病客風雨送清秋
棲鳥歸何晚鳴虫響漸收蕭寒色暮吹作夜深愁

和陳器之苦雨

急雨凄風未肯歸三川烟樹遠凄迷瀉山漲潦千霆
怒到地重雲萬幕低擾：泥塗同野鶩蕭：昏曉聽
鄰雞為君一借扶搖便靜掃平郊散馬蹄

和王繼道祈雨有應

江鄉長夏亢陽驕太息秋原稻穗焦暑氣暮收秦地
火項羽火咸陽三月不息雨聲秋響浙江潮五日雨勢甚大夜齋涼送
簷間滴曉枕清聞竹上飄椒糈禮神漸德薄聖明當

守四時調

庚辰臘八日大雪二首

平生臘八日借鉢受齋糜客路歲將晚旅庖晨不炊
持杯從破律遣興自吟詩何日依禪宿鐘魚自有時

又

東州逢臘雪却憶竟陵梅客路人自遠天涯雁欲回
遙憐簷外白還點砌邊苔又是無人過誰知照酒杯

大雪苦寒五更無睡枕上成兩篇

大雪人迹絕衡門閉不知寒城悲角迥幽谷曉雞遲
歲月去如失窮通默自知但知飽寢飯天道諒無私

又

雪氣着我屋雞膚畏薄衾春寒竹窻睡曉夢故鄉心

多病妨豪飲無私稱苦吟小爐熾薪炭卯酒再三斟

山雪

空中莽落索曉雪遍平郊霰急松鳴葉聲繁竹戰梢
暮鴛飢啄屋寒雉濕依茅誰上梁王賦淹留感鬢毛

雪晴苦寒

水驛微茫外檣烏莽蒼中人愁暮村雪雁急夜淮風
大澤凍相接羣山深未窮蕭條歲事晚舟楫伴南翁

雪霽

雪霽山堆黛江晴日炫金風烟調柳態冰雪徹梅心
節物何斌媚端居自滯淫無眠聽雲雁稍有北歸音

都梁雪天晚望

浮梁淮面欲龍騰金碧浮圖間玉層古岸蕭條風捲
雪長河烟絕水浮冰留連淮汴殘年客蹭蹬塵埃一
老僧聞道都梁梅未拆可隨桃李畏嚴凝

大雪中李提舉惠玻璃泉兩榼二首

南山春色凍雲凝暗火青燈急霰聲栗烈殘年新慶
雪玻璃美酒舊知名飢腸未慣猶空吼凍臉何知輒
妄頽隱忍且須留一榼清明待作探梅行

峯高凍雪埋蒼石河靜黃沙咽蜀流嗟我殘年為遠
客煩君雙榼散羈愁屠蘓禦歲符傳醖綵勝宜春欲

揮頭痛飲須知謀日富無田何用慶來麤

望女几山雪

萬戟高攢女几晴捲簾初見雪
崢嶸光迎曉日峰千疊氣入陰風夜五更晴色北臨秦甸白寒威東抱洛陽青坐看溝壑承餘澤付與春田次第耕

雪晴野望

蕭蕭空谷隱山雲渡水人歸何處村樵逕雪迷唐苑路鳥聲寒集漢祠門公堂吏散唯修竹近嶺林疎見飲猿客坐無羶君莫笑陶潛亦有酒盈尊

病肺齒痛對雪

擁庭晴雪照高堂卧病悠々廢舉觴肺疾僅同園令渴齒傷不為勿輿狂交飛翠笋知誰醉獨嗅烏巾認

舊香

漉酒淵明巾名

唯有烹茶心未厭故知淡薄味能長

正月三日大雪：晴有感

平生對雪須千首何事今春無片詞老大怯寒唯泥酒窮愁須醉不吟詩潤催庭柳待開眼冷送江梅欲別枝何處高樓有殘白舊游無處寄相思

余在京師雪後有詩云認得君家門上雪

雪晴

荒園雪晴愁逕滑濕柴堅坐戀爐紅寒香委地梅無

賴嫩折抽苗麥有功瘴癘潛消人氣樂豐登定慰客
途窮煖寒破悶功無敵賴有尊中臘酒醲

賦得風示拒結

寂々含至韻清風時見加無意偶自動雖鳴終不譁
宮懸奏編磬朝佩響衝牙誰知無譜曲舉世好黃華

宛丘先生文集卷第二十五

平土枕官與千言四事今春無日院學大內學許張
既處前不為四地五亦早於指有餘矣且中益
琳武前也流高堂山而道之

宛丘先生文集卷第二十六

張耒文潛

律詩

福昌書事言懷一百韻上運判唐通直

戰國韓餘壤王畿漢舊京福昌故韓地南園山峙秀東泛

洛浮清女几荒遺廟宜陽認故城千秋迷佩玦百戰

有榛荆女几有古女儿祠按李賀詩云女儿乃杜路

失三鄉驛唐有三鄉驛今廢崗餘世祖營光武降赤眉于山

疑熊耳甲墓記赤眉兵積甲齊熊耳山世祖祠在三鄉昌

水行宮廢連昌宮三鄉穀州遺堞傾福昌故為斷壕

收劍鏃耕隴得瑤瓊姬冢丘陵抱邑西有姬家陵蓋周墓韓祠

草木平韓王有墓與祠傳家亾譜牒懷德薦牢牲姬陵有姬姓家韓祠

祭之土人峽勢開雙壁川形畫一枰謀臣赤松友張良詩

客錦囊生李賀昌谷在三鄉東莽：繁華盡悠：井邑更興亾

誰與吊今古一傷情官舍連麋鹿人家雜鼪鼯秋心

悲杜宇春候聽鶴鶴賓榻無談笑塵鞍罷送迎平池

霄檻影萬竹曉堂聲放宕書千卷栖遲歲再正野晉

形矍掠村隸語生稊脫粟供朝飯孤豚計日烹里閭

輕學較兒稚駭冠纓府西學者最苦衝風隧奔如萬

戰鞦韆木號驚浪涌谷震疾雷轟古說河洛多風福昌尤甚目斷蘭

香膊南有露膊山世傳雲藏子晉笙壽安有村擊朝

坎：樵斧暮丁：鬢自年來白顏因醉後頽齋庖誅

野菊幽佩紐秦蘅憶昔初知學時豪許主盟討論披

石室咳唾視金籟宅與仁為里豐期道可耕蕩除秦

漢垢藉摘帝皇英太史遺重補騷歌韻再賡文黃無

逆檝談陣有降鉦戰苦心逾勇鋒交敵喪勅決科聊

筮仕射策偶沾榮憔悴官曹冗艱難禍難嬰未欲授

歲餘居喪流年惟涕淚生事罄瓶罌乞米常空釜烹熬不

厭羹管懸長劍澁衣補舊圖橫波浪流萍遠風霜客

雁征憑誰能束緼請地乞為氓貧賤知何計飄零復

此行力微蛛紡織。謀拙蠶纏紫。大府多豪傑。何人問
 姓名。采葑甘見棄。連彙敢圖亨。已分微言默。羞將薄
 技呈。清秋迴驥首。白日望鵬程。調拙歌難和。工迂篋
 未成。曳裾身阻澗。搔首歲崢嶸。豈料鹽車困。親逢伯
 樂評。屬文慙賈誼。受璧過虞卿。未一獻鄙文夙昔傾
 賢譽。清時仰慶閣。霜威留陞闈。忠望在寰瀛。大澤疏
 源厚。明公蘊德宏。高文千錦麗。奧學萬箱贏。前歲趨
 畿尉。青衫拜使旌。心將言並厚。事與意俱誠。毫髮聰
 明到。錙銖藻鑑精。威嚴消隱隱。惠澤舞孤嫠。爽氣開
 秋鑑。清談扣佩珩。霜空挂銀漢。仙露照金莖。偉量謙

常過剛腸枉必爭。川舟歸巨涉。天柱入高擎。鱣墮開
 嘉兆。經傳有舊黃。簪纓光故物。堂構疊高甍。願步丹
 霄近。聯綿盛事并。人間望鴻鵠。海浪引鯤鯨。百吏瞻
 儀矩。連城受使令。晏鞭爭羨慕。膺御有光晶。報國求
 賢急。搜才薦贖盈。未伏聞執事搜羅歸掌握。輕重付
 權衡。律變遭寒黍。春催隱谷嚶。陶埏皆作器。枯槁亦
 抽萌。量度分尋尺。題評盡甲庚。念勤寬僕。卹疾救
 惓。合沓皆宗雁。綿蠻不歎鴛。羈鴻安肅。微草獲
 菁。哲匠深垂獎。非才惕自驚。厚恩山岌業。高致玉
 鉦鏗。効報期銘骨。存誠過食苹。庶幾鳴缶益。萬一助

引身文集
龔靜自古酬知重從來願已輕木欣辭爨燼珠喜辨
魚睛歎慕身常銳軒昂日暗瞠自存心鐵石敢廢力
蚊蚤荒學重裨緝繁文自補撐朝披枯竹簡夜守短
燈檠養木經荒圃疏泉久涸泐博蕪終氏鼠禮問叔
孫櫻陋每輕樊子勤將比老彭中庸期造言行敢
硜積累功成垤輝華秀發瑩辛勤施耨獲逸樂薦
粢盛戴德千鈞重撫躬方寸明登臨感身世踴躍望
門楹窮谷陰多雨清溪晚放晴優游探物象瀟洒付
杯觥耿馳千慮區布一鳴願迴韶濩聽聊奏鐵
錚

陳履常惠詩有曾門一老之句不肖二十五
歲謁見南豐舍人於山陽始一書而廢與過
宜陽有同途至亳之約未以病不能如期後
八年始遇公于京師南豐門人唯君一人而
已感舊慨嘆因成鄙句願勿他示

南豐塚木已蕭蕭猶有門人守一歌文彩自應傳壺
輿典刑猶可想風標紛但見侏儒飽寂誰歌隱
士招十載樊裘彈未得簪纓知復為誰影君知己甚
多未聞特
達之薦可
無歎耶

贈陳履常

勞苦陳夫子欣聞病肺蘇席門迂次數僧米及時無
旨蓄親庖急青錢藥裏須我場方不給何以繫君駒

戲二潘

眊矚柯山客還家只醉眠桂堂渾忘却蟬室故依然
未用臨書卷聊須辦酒錢所欣家有弟鄉校首稱賢

黃州奉行學制仲達首與學論之選

酬同年徐正夫司戶時公欲卜築嵩洛間

少別老相見無言空惘然功名屬多病詩酒樂衰年
釜厭顏公粥囊須趙壹錢歸裝何日辦嵩少好林泉
出都之宛丘贈寄參寥

蕭然耳目清驅馬別都城岸斷秋光出川平雨氣橫
浮生歸佛理閑景付詩情歲晚江湖客何為滯玉京

次韻答存之

環堵蕭然汝水隈孤懷烟：向誰開青春不覺書邊
過白髮無端鏡上來祭灶請鄰聊復爾賣刀買犢豈
難哉故人休說封侯事歸釣江天有釣臺

和張廉彥

天光不動晚雲垂芳草初長襯馬蹄新月已生飛鳥
外落霞更在夕陽西花開有客時携酒門冷無車出
畏泥修禊洛濱期一醉天津春浪綠浮堤

次韻張公遠二首

襄王坐上徵詞客。子建車前步水妃。瞥過低鬟流盼處。爭先含笑獨來時。東邊日下終無雨。闕上書時合有碑。腸斷吳王煙水國。扁舟何日逐鴟夷。平淡春雲捧額浮。秋光劍戟近人流。無腸可斷方為恨。有藥能治不是愁。可待挑琴知有術。未傳驅莖更無謀。遙知添得春憲夢。尤在尊前燭下羞。

戲贈張嘉甫

鐵鎖沉淵誰敢干。塔中古佛澹無言。歲窮故里何時道。舟泊危亭盡日閑。博士薤鹽稀把酒。腐儒冰葛慣

衝寒藍輿未怯浮。梁陰興廢猶能走馬鞍。

贈無咎

快哉亭下水連城。落日斷霞相映明。人在捲簾尊俎裏。詩從揮麈笑談生。揚州何遜風流在。江夏黃香句

法清

元少兩句

長句贈加老

衰疲坐甑極蒸噓。念子柯山守舊廬。盧叟今無僧送米。董生時有吏徵租。上書自薦心應恥。扶策躬耕計未疎。虎豹九閔今肅穆。王門行看曳長裾。

贈柘城簿王微之

青衫得祿苦不足。白髮生頭頗有餘。賦就相如猶獠
器。王作宋詩成賈島獨騎驢。先生五斗不掛眼。漫郎
一官聊讀書。自古好賢漸好色。何人朝夕駕于株。

北橋送客

橋上垂楊繫馬嘶。橋頭船尾插紅旗。船來船去知多
少。橋北橋南長別離。亭上几傾行客酒。游人自唱少
年詞。百年回首皆陳迹。浮世飄零亦可悲。

送楊補之赴鄂州支使

相逢願我尚童兒。二十年来鬢有絲。涕淚兩家同患
難。光陰一半屬分離。扁舟又作江湖別。千里長懸夢

寐思。何日粗酬身世了。卜鄰耕釣老追隨。

送楊念三監簿侍行赴鄂渚

楚天南去水冥冥。鄂渚悠悠到幾程。京洛信稀千里
隔。江湖春盡一帆輕。莫辭送別青春滿。會是相逢白
髮生。飽讀詩書取卿相。不應如我老無成。

送徐任

白髮青衫困宦游。相逢不復話封侯。少年壯氣青雲
上。投老生涯一醉休。獻璞誰憐藏美玉。惡聲不至為
虛舟。從來滿卷新詩句。寫取淮南萬里秋。

送泗州推官王永年致仕還鄉王年四十而

致仕士大夫所少也

為憶田園便拂衣。休官退勇若君希。
塵埃擺脫青衫去。閭里驚嗟白髮稀。
南畝稻粱仍歲熟。舊山芝朮入秋肥。
百年從此皆閑日。寄語人間浪是非。

錢仲珣追船及陳留

野岸南風百草長。汜水捲沙黃扁舟。
轉柁迷城市。送客追船羅酒漿。
休唱陽關傷遠別。所欣蓴菜入新嘗。
官名衰晚君無問。便得封侯鬢已蒼。

送復守張垌朝奉罷歸

一夢西都十二年。竟陵相遇各華顛。
風流家世仁人

後豈弟歌謠楚俗傳。學道愛君甘淡薄。
倦遊嗟我久留連。自怜江上傷春眼。
不待琵琶已泫然。

江亭別故人

津亭把酒燕西東。無復餘花一點紅。
農事一春荒積雨。長淮千里駕東風。
休談世事循環外。且寄騷愁醉眼中。
舩鼓已鳴篙纜起。客行何事亦匆匆。

送江瞻道之汝陰尉

少年相見已蹉跎。千里分携可奈何。
世路險艱知子少。人間憂患屬余多。
二年窮巷山陽客。一棹秋風潁水波。
我為離居感身世。援琴西望獨悲歌。

邕南亭障久消兵莫厭扁舟萬里行嶺外山川從古
秀幕中談笑屬時平天連漲海鵬飛近風捲孤城颺
母生勿為跼鳶思款段古來男子重功名

送曹子方赴福建運判

平生藟下曹公子家世風流合有文橫槩尚傳瞞相
國紫髯不是畫將軍詔書寬大民何怨刺史威嚴吏
合勤好作楚辭更下俚雲中一降武夷君

送李公輔赴宰宣城

與君騎竹即同游抱子相看髮已秋莫惜往來勤馬

足未須容易轉船頭君方搜句窓間岫我已懸情天
際舟抱槩石渠無所欲勞君時致管城侯

送胡唐臣赴蘄州僉判

他日馳戎馬風塵從事衫花開大梁酒木落太湖帆
莫府煩精悍吳山入笑談長安米不賤君與問江南
泛宛溪至敬亭祠送別

南國初寒候扁舟遠客心歸人出斷岸晚翼會疎林
渙市臨官道叢祠蔽木陰長年多感慨况此對分襟
送丁秀才侍行之邕州

五嶺天南極扁舟到幾時山川故國遠猿鳥異鄉悲

書史傳家舊功名及壯期相携有佳客莫負錦囊詩
送蔡彥規之任風泉主簿

四十曳青袍功名晚未遭賢人固難進小邑且徒勞
秦俗謳謠口雍州形勢豪憑君懷古意一一寄風騷
別外生楊克一二首

東南秋足雨澤國水連天日出數聲雁風高何處船
寒菹初獲韭野餉屢烹鮮吾事無淹速悠々得醉眠

又

澤國授衣早今辰締紵單孤城遠日斷秋水去帆寒
相見不再少此生何日閑慙慙換美酒要對蟹螯蟹

送劉南夫赴任京師

却掃楚山根相過唯有君齊年未白髮

予與劉同甲
劉髮未白

不日上青雲送別悲秋早傷離賴酒醺青衫老司馬
落淚獨紛々

宛丘先生文集卷第二十六

故人猶念我一笑向何人老去唯佛祖州閑如隱淪
殘年河朔雪近臘水鄉春何日相逢笑天邊白髮新

和見夢 晁應之

青衫將白髮奔走倦埃塵與物拙難合惟君心獨親
相思成夜夢得句寄游鱗未得親談笑書來莫厭頻

和應之雨中見懷之作

官居苦岑寂容易過花時綠暗野初秀紅乾風更吹
燕游心未展歸去意猶遲浩蕩雲山外新詩寄我思

用元韻因寄邦直

濠上昔相逢同時折桂叢遠游悲聚散投老信窮通

靜見賢人節恬知達士風淹留君莫歎榮辱竟虛空

書事寄晁應之

野筍空塔短蒲芽出水齊柳垂紫鵲重花裊帶蜂低
桑弱蚕登箔池晴燕啄泥官閑無事役地僻斷招携
目極榛蕪地心傷桃李蹊菱花辭雨泣幽鳥別春啼
白髮驚身老高樓對日西運逢詩將健路入醉鄉迷
燒醕傾新蠟輕羅換舊裾香紉裁暑扇密幄徹寒閨
喬木陰垂屋清渠冷接溪惜芳憂鶉鷄催夢怨黃鸝
高會思前日酣歌到曉雞駕羊君自幼倚玉我慙鱉
誰解藏車轄歸來信馬蹄還家門寂寂過雨草萋萋

氣合非容易官拘坐阻睽孤吟唯酒對愁立見烏栖
學懶因循過詩成取次題相思不可望煙靄暮萋
西湖望中渾能有幾多程問訊懶不講篇章來愈清
為邦循舊政把酒憶交情祝子過新歲春風入帝城
相思何處望月閣對南堂念子猶記我懷君時舉觴
可能思穎好端是種花忙閑說河陽政佳哉副所望
寄榮子雍一首
蒼忙臘雪欲成泥又見東風上柳枝萬事過前渾是

夢百年投老只添悲功名末路收常晚節物驚心空
自知千里故人猶念我書來辛苦話相思

又寄三首

東風三月洛陽城傾蓋相逢氣倍增看盡園花方信
馬飲斜樓月更挑燈年光飄忽雙馳轂心事蕭條一
老僧酒病年來慵把筆新文寄我苦憑陵

蒼：老柏古南禪榻：修篁泮水灣此地笑談惟我
共百年交友得君難已甘心向詩書老會與身圖雲
水閑年少功名須力致看君朝旆日珊珊
家：新酒滴新醅殘歲崢嶸春欲回霜野寂無新到

雁雪林寒有欲開梅關河路永雙橫轍天地身閑一
舉杯鼎答風光千點淚怯將愁眼更登臺

次韻李德載見寄

頭顱幸獲面姦鋒甘分江湖守釣蓬老得一州聊自

慰相望千里與誰同已欣臺省登群俊猶教湖湘臥

病翁謂二蘇公未書之及詩就醉餘頻走筆待觀雲海戲羣鴻

離天長寄周重實

相逢握手便逢形射策天門盡弟兄浮世有誰尊道

義青衫自笑為功名高談未盡胸中意作別猶如夢

後驚半夜扣門投野寺天寒孤月更分明

寄陳鼎

懶着青衫泥醉眠近來酌酒困無錢常憂送乏隣僧

米何啻寒無坐客糴直道漫憑詹尹卜浮生已付祖

師禪祗應居士無醒日知有淵明種秫田陳新置九華田自號

居士

自海至楚途次寄馬金玉八首

迂踈懷抱獨君知杖拂親依即我師一句未能參妙

道教篇空復得新詩子方奮迅雲間翮我厭追隨世

上兒安得岩垆兩如志銅餅烏几為君携

蕭蕭柳岸野風秋虹掛前山晚雨收回首孤城空綠

引
樹滿川斜日放歸舟年來雙淚俱愁盡老去勞生幾
日休試問故人思我否夢魂猶在海邊州

高城欲去更徘徊病眼登臨強一開風物盡為愁裏
景山川疑是夢中來此生雙鬢何勞白未老塵心可
得灰欲把煩愁付杯酒祇應清夢待尊壘

生涯飄泊一航輕浩蕩晴川送我行北望山川連海
壯南來風月近淮清人家稻熟豐年滿澤國天高愁
意生唯有羈愁消不得登臨清淚落如傾

少年居士正安禪法是懷公門下傳已解出塵金裏
鑽何妨離欲火中蓮苦心叅道嗟予晚極目隨機恃

子
子怜若許維楊傍仁里一廛須買許行田

蕭：晚雨向風斜村遠荒涼三四家野色連雲迷稼
穡秋聲催曉起蒹葭愁如夜月長隨客身似飛鴻不
記家極目相望何處是海天無際落殘霞

三年海角寄東城歲久移居亦有情去路山川嗟我
遠舊時風月為誰清一廛受地今難繼三徑懷歸久
欲耕何日山川有茅屋百年無復問功名

紫蟹雙螯薦客盤傾來不覺酒壺乾雨多澤國蒲魚
美秋至楚天風露寒老去論交嗟我晚尊前一笑憶
君歡紅蓮幙下無書檄剩寄新詩滿卷看

遣興次韻晁應之四首

老去詩書倦討論。一尊相對尚殷勤。
 鍛鑪放蕩狂中散。書閣蕭條老子雲。
 要路交親嗟隔濶。他鄉耆舊飽知聞。
 衰知多病頭風甚。解寄新文獨有君。
 西風漸。滿征衣。天畔危亭面翠微。
 雲解映山常漠漠。葉知辭樹亦依依。
 苦。饑黃鵠猶謀食。無事輕鷗得遠飛。
 落日秋風滿江漢。杖藜三歎未能歸。
 夜泛孤舟清洛津。宓妃輕步若為親。
 清涵星漢光垂地。冷覺魚龍氣逼人。
 鏡裏悲秋雙鬢髮。馬邊隨客兩京塵。
 愁心欲比東流水。衮。無窮日。新

蓬門烏雀啁黃昏。歸遲牛羊各有群。
 水闊蛟龍陰後出。山空虎豹夜深聞。
 西來谷引秦川月。南去秋連楚澤雲。
 唐漢廢興無處問。西風禾黍但丘墳。

又同前四首

日落村墟煙靄青。草根促織晚先鳴。
 羣山衮。望中去。新月娟。愁裏生。
 暗峽風雲秋慘淡。高城河漢夜分明。
 寄書故國還羞澁。白首蕭條老病嬰。
 洛陽宮殿鎖埃塵。翠輦東還幾度春。
 雙闕曉雲連太室。九門晴影動天津。
 地藏寶鼎寧無祲。龍護靈書固有神。
 游豫此時期聖主。保釐從古仗元臣。

女几山前雲雨收五更星斗轉西樓蒼：淡月関河
曉裊：西風觀閣秋獨鶴有求時飲啄孤雲無事任
沉浮可憐白髮張公子還望西山歌四愁
露下風悲螢火流周南羈客意悠：山川老去三年
淚関塞秋來萬里愁慣逐魚禽語異俗每因霜月夢
滄洲一拋研井雙蓬鬢天畔詩成獨倚樓

寄子由二首

萬里歸來真得仙七年瞻望漫情：安閑舊得還丹
訣著論新成古史編應接強顏聊復尔是非袖手獨
超然門人白首侯已在眷戀微官愧昔賢

文席他年聞至言艱難不敢墮周旋文詞老去真何
益道妙平生薄有緣人事眼前唯欲睡丹經時復更
誰傳清秋二室林泉好洒掃思為杖履仙

卧病月餘呈子由二首

齋屋悠：昏復朝強披莊子說道遙四禪未到風猶
梗九轉無功火不燒學道若為調鹿馬是身不實似
芭蕉丹砂赤箭功何有想聽清言意自消

風葉鳴窓已復朝喚回歸夢故山遙酒壺暗淡浮塵
集藥鼎青燄敗葉燒閉戶獨依寒蟋蟀移牀更就雨
芭蕉雪深更請安心術長日如年未易消

老舅寓陳諸况不能盡布以二詩代書得閑
為和佳也

欲知老子居陳事古寺蕭條屋數楹幸免絕糧愁孔
老更無環堵羨淵明參差拙計何曾是寵辱浮雲無
可驚斷送光陰頌美酒唯應此事費經營
功名已老付悠悠未免飢寒目下憂全仗黃庭能却
老懶將白髮更悲秋所欣耳界長清淨漸放心君得
自由一事若消未盡每逢風月亦閑愁

離山陽入都寄徐仲車

孤城芳樹碧層層村落黃昏只見燈迴首事如前夕

夢出門心似下山僧仕求行道時難偶意欲謀閑力
不能寄語東臯方釀酒待余歸日解行滕

寄滁州邵子發同年二首

夫子才豪官尚卑窮城冷落有誰知莫嫌五斗紆高
興且與青山賦好詩得失可齊陶令酒功名休問
蜀莊著三年流落甘憂患一笑何當慰別離

年來萬事付禪宗兩鬢雖青心已翁欲請一厘希許
子更將五斗繼無功春來行樂君應厭老去裁詩我
未工聞道琅琊山色好為題新句寄清風

寄蔡彥規兼謝惠酥梨二首

自煮新酥籠旋開秦霜猶汗紫梨腮舊園歌舞唐宮
廢灌頂醍醐佛國來寄我遠傳千里意恨君不舉百
分杯西來新味饒鄉思淮蟹湖魚幾日迴
洛川北岸錦屏西竹樹蕭蕭面翠微風月有情常似
舊山川信美不如歸文章送老甘無用魚鳥從游久
息機寄語長安倦游客年來何事素書稀

寄晁應之二首

強讀詩書歎白頭一官飄泊寄東周
飽衣有繫身難去人足無音境更幽
晚接賢豪寬病思老將文字寫
離憂相思一夕親談笑夢斷雲山相對愁

瑜珥瑤環豁眼明碧梧翠竹照人清
同車汲黯今難效挾彈潘郎舊有名
自是風流襲家世行看談笑取
公卿塵埃落魄誰如我一事無成白髮生

次韻秦七寄道潛

衰疲久厭五更朝每愧冥鴻在次寥
願我塵冠凋舊鬢愛君山桂長新條
文詞畫虎工逾拙世味春冰老
益消只欲歸依香火社高堂時聽法音潮

以病在告寄楊器子

飲冷寒中不自支故應病骨易尪羸
老人素懶何妨病太守兼容得
自私雨汗欺風元自濕火雲扶日故

行遲江樓清絕真辜負正是齋居禁酒時
聞卯老下第作詩迎之

淡墨高張動禁城風馳電落走寰瀛從來萬卷貯便
腹可得千人無一名且向江邊伴逐客會須天上冠
羣英遙思匹馬千山裏孤店村深聽晚鶯

次韻卯老見貽

已嗟龍鱗倚門邊况復歸來灶不煙觀國未書攀桂
籍還家却上過淮船環奇難售真當爾鑿枘相遭亦
偶然未死此生誰料得且將見在闡尊前
久不見潘十作詩戲之聞其別墅晚稻稍收

誰云世不容吾道自是窮常逐我曹未能下帷授老
子且復痛飲讀離騷雨多園圃一慘淡秋霽山川開
次寥裹飯送君吾豈敢黃雲祀極連東臯

從黃仲閔求友于泉

炎暑戰已定清秋當抗衡碧雲生雁思幽草見蛩情
燠麥村墟靜觀書枕簟清誰能酌玄酒來破屈原醒

借韻

劉景文許惠檀裘未至督之

塞上寒羊剪毳毛柔于春絮膩于膏蘼盞倦客愁無
褐詩禮將軍許贈袍雅服何妨冠藁帽瘦腰兼稱束

鄙條想公封寄應多恨不掛長身襯佩刀
卷上寒羊曾過子葉下春燕翻千
隨景文拾遺錄卷之五

宛丘先生文集卷第二十七

烈香林蘇精師書
炎香輝以文
名上
贈云世不容
國圖一
山川
不掛

